

C. 5  
10-55  
31390

V. Arnold









# ГЕННАДИЙ ЮШКОВ

*Кывбуръяс*

\*

Коми книжнӧй издательство  
Сыктывкар

1973

С(Коми)

Ю96

## Юшков Г. А.

Кывбурьяс. Коми книжнӧй издательство. Сыктывкар, 1973.

Поэт, прозаик, драматург — татшӧмӧн петкӧдчис лыдысьысь водзын коми гижысь Геннадий Анатольевич Юшков. Сылӧн кывбурьяс, висътыяс. пьесаяс петавлісны и комиӧн, и рочӧн.

Тайӧ книгаӧ пырисны воддза книгаясысь бӧрйӧм кывбурьяс да бӧръя вояся гижӧдьяс. Поэт гижӧ Войвыв йылысь, аслас чужан му йылысь, петкӧдлӧ олӧмсӧ, талунъя бур йӧзӧс — зіль, уджалысь, лышкыд сьӧлӧма войтырӧс, коммунизм стрӧитысьясӧс. Эмӧсь тані и серамба на кывбурьяс, кодьясӧс зэв жӧ аслысног тэчӧма.

0743 — 014

Ю  $\frac{\quad}{\quad}$  31—73м

М128(03)—73

## КОМИА СЫЛОМ

### 1

Эм енэжын сизима кодзув,  
А сы улын пармаа му,  
И Эжва, кысь юлывла соддзён,  
И нёрыс, кён пёльёлён гу.  
Но мёвпöй век косöдлö бөрö,  
Мый пöльёлён пöльыс тшöтш тась.  
И найöлысь лов-вира гөрöд  
Ни черён, ни биён он разь.  
Ме татён жö олысь и кулысь,  
И эскöмөн сьöлөмöй тыр,  
Мый сизима кодзувыс улысь  
Веж пармаа муыс оз быр!

### 2

Ме коми морт, и меным долыд,  
Мый ог тан сорассьöмөн ов,  
И некор юрö мен оз волы,  
Мый кöнкö донтöм нянь да сов.  
Ме коми морт, и меным долыд,  
Мый немся увтыртöм ог тöд.

### 3

Ме абу гӧль, но абу-й колысь,  
Ог нинӧм торъя кудйӧ лӧд.  
Ме коми морт, и меным долыд,  
Мый некор эгӧ корсьлӧй сай,  
А уджыв пӧсьӧн, тшӧтш и лолӧн  
Ми ыджыд шудас пуктім пай!

### 3

Зэв важысянь нин роч вок дінӧ  
Став ловнас сюртчис парма пи.  
И ӧтув мӧвпыс югзьӧ-инӧ,  
Кыз ломзьӧ ӧтвылыся би.  
Оз сибав татчӧ кырныш котыр,  
Век лоӧ ашӧр вӧр и ва.  
Ми асьным пиня-гыжъя войтыр,  
Дай эм на миянӧдз Москва.  
Ми вылын юраӧсь, кыз ниа,  
Ми тӧдам олан гажлысь кӧр.  
И медым дзирдалас Россия!  
Мед олас Коми АССР!

## СЕ ПОЛОС СЕРНИА

Пурсьоны, вөлөм, кык вок,  
Ёрсьоны, вөлөм, чойяс...  
Мыйта важ олөмыс шог  
Вайліс да вөчліс дойяс!

Чиркөм ни пайкөм, ни грөз  
Абу нин — ставыс бөрын.  
Се полөс сёрниа йөз  
Лөсялам СССР-ын.

Абутөм лөгөн ми тан  
Асьнымөс огө дзугөй.  
Сійөн и сьөлөмьяс — жан,  
Нинөм мый огө юкөй.



Тә верман лоны и шахтёрөн,  
И видз-му уджалысьён лоны.  
И сідз жё овны кутан горён,  
И сідз жё вичмас олём шоныд.  
Көть мыйён лоан, Мортысь улө  
Он усь ни веськав некод ногөн.  
Тә — быдтас ыджыд югыд Мулөн,  
Көн мортөс лэптөм лоө могөн.  
И тэныд төдны тайёс колө  
Оз сөмын нимкодясьөм понда,  
А медтө Сылы видэтан олём  
Да асьсө водзөс Сійёс шонтан!

## ШУДЫС УСЬЛОМА НА МЕНЫМ

Эз тайō олōмыс кō волы,  
А коли важыс... Эськō сэк  
Ме, гашкō, эг и олысь лолы  
Да весиг арōсōдз эг олышт,  
А, гашкō-й, тōлысьōдзыс эг.  
Эз уна коль на, гашкō, луныс,  
А ме нин эшти, эг нин ов.  
И шуисны сэк: «Мытōн муніс».  
Ли: «Енмыс босьтис талысь лов».  
А эг кō кув да коли олан,  
Ме куті шегйōн корсьны гаж.  
И эг и тōдлы немся школа,  
Куш — сюра сōт да «Отче наш».  
А школа войтырыс кō кевмис,  
Мед ныв-зон велōдчисны сэн,  
То гижис эськō Пуришкевич\*,  
Мый нинōм грамотасьыс мен.  
И быдмигкості босьтчи уджō  
Да пōттōдз узьлōм эг нин тōд.  
И со нин нопйōн вōлōк вуджа  
Уралысь корсьны кынōмпōт.

---

\* Царскōй чиновник.

А сәсся армияӧ сюри,  
Сән менӧ песісны, қыз няр.  
И кӧнкӧ пункті шудтӧм юрӧс,  
А мыйла — тӧдіс сӧмын царь.  
...Но шудыс усълӧма на меным,—  
Эг қывлы нартитӧмлысь вез.  
Россия-муын чужис Ленин  
Да менам чужтӧдз перйис мезд!



Войт мында кӧть Ленин кодьӧн лоны:  
Не куш аслым видзны сьӧлӧм шоныд;  
Олӧм нопйӧс мудериттӧг нуны;  
Подулавтӧг мортлы кыв не шуны;  
Ышнясьӧмысь биысь моз жӧ повны;  
Веськыдлунтӧг ӧти здук не овны;  
Ыджыдавыны некодлы не сетны;  
Мӧвпнам водзӧ талуньясьыс петны;  
Босьтӧм моглянь нырчыны да воны.  
Войт мында кӧть Ленин кодьӧн лоны!



Кор меным сьöкыд, Ленин ёрткöд  
Ме сэки бур пöт варовита.  
И öддзö сьöлöм, овлö нор кöть,  
Да сы моз овны менö витö.  
И бара аддза сэтшöм ылысь,  
А воддза падъялöмысь дугда.  
И бара муна сьöлöм вылысь,  
И лолöс, ковмас кö на, пункта.

## ОТСОГ

*Уна йӧз шыӧдчылсны Ленин динӧ. 1920-ӧд воын  
аслыспӧлӧс моӧн шыӧдчис сы динӧ и Федот Серди-  
тов, коми морт.*

### 1

Пукавны Федотлы  
Оз сет сьлӧн удж:  
Тӧв и гожӧм ветлӧ,  
Гортас овлӧ сутш.

Аддзылӧны йӧзыс  
Сійӧс сясь и тась,  
Видзӧ сійӧ линия,  
Мӧд ногӧн кӧ, связь.

Ошкӧны Федотӧс:  
Уджач, абу руй.  
Паськӧмыс вот сӧмын  
Некытчӧ оз туй.

Озырӧсь ми ӧні,  
Тырмӧ кӧм и пась.  
Но, а сӧки гӧль на  
Вӧлі Сӧвет власть.

### 2

Уджалӧ Федоткӧд  
Олӧма монтер,

Калькмунома вомыс —  
Вашъяло коть кор.

Отсавны Федотлы  
Сийо дась быд здук,  
Сомын аслас абу,  
Вывсьыс ко оз юк.

Ертыслысь мед кызко  
Кокньодышты шог,  
Мыйон строка сюрө,  
Кайто аслыног:

— Паськөмыдлон нэмыс,  
Тода, абу кузь.  
Но, да... кызко-мыйкө...  
Юрыд оз на усь.

Абу од тэ жоник,  
Дзормомыд нин со.  
Йоз син водзас энджык  
Лосьодчы,— и всё!

Но Федотлы таысь  
Кокныдджык эз вөв.  
Сэтчө жө, эз тулыс  
Матысмы, а төв.

### 3

Забедно Федотлы,  
Коть и абу чиг:  
Пасьтавысө регыд  
Нинөм лоо дзык.

Сөмын кытысь выльыс?  
Вөрысь өд он кый.  
«Мөскуао кә нин  
Гижлыны? А мый?

Пуксыны и гижны.  
Сөмын кодлы вот?..  
Ленинлы кә аслыс?! —  
Ыркмуни Федот. —

Став Россия вөсна  
Видзө сийө дум,  
Юрсө оз и ләптыв,  
Пессьө вой и лун.

Татшөм ичөт могнад  
Ноксыны оз мөд.  
Но, а, гашкө, лыддяс?  
Нинөм өд он төд».

#### 4

Важөн пөра узыны,  
Но Федот оз вод.  
Ручка помсө йирө,—  
Думайтө Федот.

— Эн кә дзикөдз йөймы,  
Син водзысь вай мун!—  
Гөтырыслөн гөлөс /  
Торклө сылысь дум.—

Лениныдлөн тэтө,  
Уджыс уна эм.  
Аддылан вот, таысь  
Веськавлас на тән!

А Федот оз вөрзъыв,  
Быттьөкө оз кыв,  
Олыштас да бара  
Гижас гоз-мөд кыв.

Со кыз сийө гижис:  
«Дона Ленин ёрт!  
Тиян динө могөн  
Оти коми морт.

Ношувьысь ме ачым,  
Сэтшөм вөлөсть эм,  
Дас сизимөд восянь  
Сөмын ог ов сэн.

Холмогоры карын  
Ола сэксянь ме,  
Телеграфной линия  
Ветла-видза век.

Дивитой коть энö,  
Суис менö шог...  
Висьтавысьö яндзим...  
Паськөмой зэв лёк.

Дөмасыс оз öшйы,  
Резьдö. Гөгөр розь.  
Судзöдны сась выльöс  
Оз-ö кызкө позь?

Оз кö, гашкö, сюрас  
Матерье сы тыр?  
Гöтыр эськö вурис  
Меным пырысь-пыр.

Мынтыси ме эськө.  
А то оз сюр тан:  
Кытчө көть ог шыась,  
Дзуга пө ме план.

Таысь энө скөрмөй:  
Горшасьö пө со!  
Сэтшөмнас эг вөвлы  
И ог некор ло.

Көть и өні абу  
Томдырся кодь чожд,  
Век на аслам уджөн  
Олі, дона вождь.

Дөзмөді нин кузя,  
Помала, ог кут.  
Тіянлы жө сия  
Кузь нэм да бур шуд!»

5

Ывла мича югыд,  
Он нин өні вод.  
Сейыштис да мунис  
Удж вылө Федот.

Почта дорын тьөтө'  
Доддялө нин вөв.  
— Письмө гижы. Ну тшөтш.  
— Со тай кудйыс. Чөвт.

Вөрзис вөла почта,  
Чипанъяс — сюв-сяв.

И Федот сэк повзис:  
«Гөтырöй кө прав?»

Оти здукөн кельдiс,  
Быдсөн лолі виж.  
Но да, лёксö нинöм,  
Кажитчö, эг гиж.

6

Письмöйс Федотлөн  
Ветлö вежон-мöд.  
Кутшöм юөр воас,  
Водзвывтö он тöд.  
Маитчыны пондiс,  
Кытчö көть оз мун.  
Луннас эськö мед нин,  
Войнас оз лок ун.  
«Гашкö, öнi пырас  
Милиционер,  
Кызöктас да шуас:  
«Ноптö... мыйкөкер..?»  
Майшасьö тшöтш гөтыр,  
Төкөтьö оз бöрд:  
— Колö жö тэн вöлі  
Гижны, сюра чöрт!

7

Телеграмма вöчис  
Виччысьöмлы пом:  
Гижысьöс Губернскöй  
Корö исполком.

Но, а мыйла корö —  
Весиг кыв ни джын.

Лөсьөдчыны колө —  
Кныс быттьö кын.

Бур кыв пыдди гöтыр  
Содтöд эльтчö сән:  
— Эн гиж, мися, дугды!  
Шулi эг ме тән?

Та вылö Федотлөн  
Воча кыв оз сюр,  
Горшас лолыс сибдö,  
Увлань кыскö юр.

8

Пырö-петö йöзыс,  
Шума Исполком.  
А Федотлөн быттьö  
Калич вылын вом.

Гашкö, час нин коли  
Сылөн воом мысьт,  
Коридорöд ветлö,  
Юавны оз лысьт.

Паныд локтö дядьö,  
Бовъялö наган.  
— Кутшöм,— шуö,— могөн?  
Мый тэ вöчан тан?

«Корсьöны кө тәнö,  
Сюран водз ли сёр».  
— Да ме... отсöг кузя...  
Гижли öтитор...

Телеграмма воис,  
Лок пō пырысь-пыр!  
— Тасянь нельōд ѓдзѓс.  
Аддзан? Сѓтчѓ пыр.

Восьлавнысѓ сьѓкыд,  
Быттѓ кутѓ гез,  
Мырдѓн сорѓн локтис,  
Лыддис: «Губ-со-бес».

9

Гожѓм помын шондi  
Мелi, оз нин сот.  
Мир туй кузя гортас  
Шавксѓдѓ Федот.

Любѓысла сьлѓн  
Чужѓм пасьта нюм;  
Вылас дзик выль пальто,  
Дзик на выль костюм.

Эз на некор сiѓ  
Пасьтасьлысѓ тадз.  
Нопьяс сьлѓн содтѓд  
Улыс дѓрѓм-гач.

— Новлы!— шуис сылы  
Паськѓм сетьсь ныв.—  
Письмѓ вылад тайѓ  
Тѓныд воча кыв.

## ЧУЖАН МУ

Чужан му — сійӧ мамыдлӧн сой,  
Пӧттӧдз нӧнясьӧм бӧрын кӧн сывкмунлӧн.  
Чужан му — сійӧ бабыдлӧн мойд,  
Катша кӧяӧн шыр кыззи кывтлӧма.  
Чужан му — сійӧ туруна видз,  
Кытӧн первойысь мудзӧмысь пӧсявлӧн.  
Чужан му — сійӧ нӧровтчӧм кыз,  
Кытӧн кодкӧдкӧ нӧм кежлӧ лӧсялӧн.  
Чужан му — сійӧ шуд вӧсна кось,  
Йӧзлӧн паметъын кодӧ оз чусавлы.  
Чужан му — сійӧ, — мый оз позь  
Вежны ни вузавны.

## КОММУНИЗМ

Коммунизм!

Ме думон сэтчө волі.

Быттьо дзоридз,

Воссьома сэн морт.

Ышнясьом

Ни веглясьом,

Ни полөм —

Нинөм абу.

Дона тэ и колан.

Муса вок тэ,

Виччысяна ёрт.

Быдөн сәні

Мелілунон öзйө.

Тыртөм синмөн

Видзөдысь оз сюр.

Сьөлөмнаныс

Озырөсь сән йөзыс.

Ог нин шу,

Мый мукөдторнас бур.

Сыланкыв моз

Мичаммө сән лолыд,

Весиг аслыд  
Кажитчан тэ выль.  
Меным,  
Тэныд,  
Сылы —  
Ставы колө,  
Сы вöсна и  
Му вылас ми олам,  
Медым регыд  
Лои тайö збыль!

## МОСКВА

Москва, тэ сэтшöма жö менам,  
Кыдэ, шуам, рочлөн ли грузинлөн.  
Ме тэнад бурөн шогöс вена,  
А тэнад шогыд меным инмö.

Ас чужан сикт моз тэнö матö  
Ме пункта, лов шöрысь век кыла.  
Ме вола татчö кадысь кадö,  
Кыдэ важөн волывлісны била.



Уджавны, мѳвпавны, нюмъявны  
Чужи веж му вылас ме.  
Та вѳсна кѳсья, мед лунъясыс  
Югыдѳсь вѳліны век.

Та вѳсна кѳсья, мед полѳмыс  
Аскисъыс йѳзлѳн эз ло,  
Та вѳсна кѳсья, мед олѳмыс  
Шыаліс — помыс эз во!

## МИЯН ФЛАГНЫМ, МИЯН МУНЫМ

Сюрс кывъя тӧдӧ мир,  
Быд помын олысь йӧз,  
Мыйта ми кисьтім вир,  
Мыйта ми кисьтім пӧсь.

Шудлуныд абу из,  
Чуктӧдны сійӧс мед.  
Шонді моз коммунизм  
Ачыс тан оз жӧ пет.

Овсьытӧг лун и вой  
Чӧжам ми шуд да вын.  
Вӧчлас мед кодкӧ дой,  
Водзӧстӧг бӧр оз мын.

Паськалысь олӧм сьӧрт  
Важыслӧн нитш оз эж.  
Флагным век лоас гӧрд,  
Муным век лоас веж!

## СЮРС САЙО ЛУН ДА ВОЙ

*1150 лун да вой мунисны чорыд бойяс Рыбачий кӧдж дорын. Враг эз и вермы вуджны СССР-лысь граница. Унаӧн водзсасисны сӧк тані и Комиысь зонъяс.*

Сюрс сайӧ лун да вой  
Гымалис тані бой.  
Изйис сӧк чеччис, кыздз чаг,  
Мурмансклань зырсис враг.

Войвывса латшкӧс йӧз  
Пычкисны быдӧн сӧз.  
Усьны кӧ — усьны, но  
Ки лӧптысь мед оз ло!

Ловъяыс медым шоч,  
Сулав и коми, и роч!  
Бӧрын кӧть баддьӧсь сӧрд,  
Бӧрвыв оз ветлы морт!

Олӧмыд жаль? Зӧв на том?  
Шуӧма кутны и — пом!  
Сюрс сайӧ лун да вой  
Сыркӧдіс мусӧ бой.

Нинӧм эз жалит враг,—  
Пырны кӧть ӧти шаг...  
Сӧмын границалысь визь  
Вуджавны эз и письт.



Көні минайд — танкыд оз исав,—  
Жвачкас — и пом.  
Сәки вөзйысис Виктор Денисов,  
Выльгортса зон.

Колө пырны фашистъяслы флангас,  
Койыштны би.  
Со нин нуөдө бөрсянныс танкъяс  
Пармалөн пи.

Со нин эрд помыс, минатөм кыті,—  
Кымынкө шаг.  
Танкъяс водзөсө вермасны сятөг...  
Казяліс враг!

Войсьыс войө на пөрлі сәк луныс...  
Виктор эз ло.  
Сөмын лысьтам мөй сы йылысь шуны —  
«Гортас эз во»?

Воис гортас бөр Виктор Денисов,—  
Смертьыс эз ин.  
И ми босьтім сы сьөлөмысь бисө —  
Быдөнлы кинь!

## КЫМЫН ГЕРОЙ МИЯН?

Оз, кольём войнаыс оз вунлы!  
Эз этшаон Комиысь мунны,  
Но этша морт гортас бөр воис.  
Геройон жö — кымынкö лоис.  
А полысьон öмöй нö чужлим  
И водзасьны эг öмöй кужлöй?  
Ми важысянь дорйим Россия  
И некор эг лэптывлöй кияс.  
И ковмис кор дорйыны бара,  
Став пармаон кыпöдчим яра.  
И кымынкö коли на луныс,—  
А комиыд кызвыныс мунис.  
И муртса на ньöжмöдлiс поезд,  
Вагоньяссиянь — веськыда бойö!  
Öд комиыд быдöн дзик кыйсис  
И велöдтöг мичаа лыйсис.  
Но вөрöг сэк вынаджык вöлi  
И зырöдiс весьтас и пöлөн.  
И сувтöдны сiйöс сэк колi,  
Кöть кыкысь мед петалас лолыд.  
А лолыд öд быдöнлөн öти,  
И петас кö — оз ло нин ньöти.  
И комияс рочьяскöд радөн

Сэк водісны. Налы награда  
Эз удитны гижны ни сетны,  
И славаыс налы эз петлы.  
И найос куш тодам ми, кодлысь  
Сэк вермисны пасйыны подвиг.  
Но сы вылө-й сьёлөмным миян,  
Мед видзны сэн пармалысь пиян —  
Дзик ставнысö казьтывны-видзны,  
Код дорйис сэк талунъя мичлун,  
Код воськовтіс биö, эз тірав,  
Кöть веськаліс медводдза нырас.

Оти морт мен таdzi шуис:  
 — Менсьым томлун война нуис.  
 Ме сэк нывъясысь на полі,  
 А мен биö пырны коліс.  
 И со, кылан, дзуртысь кока?  
 Но оз тайö уськөд шогас.  
 И оз гөтыр, ни оз челядь,  
 На выlö ме ог жö элясь.  
 Гажөн-серамөн на олам.  
 Сöмын вөтөн сэтчөдз вола,  
 Мича нывкөд быттö йөкта,  
 Быттö дзоридз сылы өкта.  
 Да и нылыс, сідз кö шуны,  
 Быттö гөтыр выlö мунö,  
 Нюмыс сылөн моз жö петö...  
 Садьма — лолй муртса шедö.  
 Сэтшөм окота сэк, збылбысь,  
 Ставсö заводитны выльбысь.

## МИ ТУЙЫНОСЬ

Зэв вöлі гажа ва дор кырийн,  
Но воис июнь 22-öд лун...  
И мый ми тöдлим война дырйи,  
Оз сайкав, кувтöдзным оз вун.

А öнi быдтысям ми асьным  
Да видзам быравлытöм дум:  
Мед оз жö мянлөн моз пасьмун  
Ми быдтасьяслөн югыд нюм.

И медым овывлö на дзескыд,  
Оз быдтор тырмы на, кыз ва.  
Но ме правительстволы эска:  
Ракетнöй мян эм войска.

Эм мукöд пöлöс гырысь вынъяс,  
Мед видзны — дорйыны ас му.  
...Ми туйынöсь, ог сувтöй джынъяс,  
И оз босът веськодясян ру.

## МОРТ ОЛОМ

Мырсьёмён, пессьёмён олан,  
Кулан да — мёд нэм оз вичмы.  
Мыйла и му вылас волан,  
Шуны кө быттьөкө сідз нин?

Воча кыв та вылө сюрас,  
Оз на юр пыдөсид кушмы:  
Мый эськө, шуам, и бурыс,  
Му вылас он кө и чужлы?

Медтө на ас пайтө олан,  
Он көть и мөгтөг да шөгтөг.  
Гашкө и, лолан на колан  
Налы, код тэ бөрся локтө.

Гашкө на, казътасны бурён,  
Ачыл кор он нин ло, сэки.  
Но, а мый сьөкыдыс сюрө,  
Сытөгыс — некыз.

## КОДІ МУСТОМ

Коді асьсö тödö куш,  
Мортлы отсавны оз куж,  
Кодлөн морöс пыткас пуж,—  
Му вылас мед оз и чуж!

Коді тышын олö чöv,  
Корсьö, кöні шы ни тöv,  
Кодлы мышкыс — сайöd пöv,—  
Му вылас мед эз и вöv!

Коді бурö пуксьö, но  
Сьölöм вылас морт оз во,  
Шог оз кыв ни гөгөрво,—  
Му вылас мед оз и ло!

# ИЗЪВАСА ЗОН

## Баллада

Лыйсьо́мысь пармаыс чунавліс тан.  
Веськаліс белёйлы том партизан.  
Юасьны кутісны, перйыны кыв,—  
Чов оліс, быттьо́кө нинөм оз кыв.

Пөрччисны вивсьыс сэк паськөм и көм,  
Нуисны горулө, Изъваыс көн;  
Кодйисны йи пырыс морт төрмөн розь,  
Ыршасиг панісны выльысь допрос:

«Мукөдыс кытөнөсь, висьталан он?»  
Пыркнитіс юрнас, эз калькнитлы вом.  
«Висьтавны ковмас, тэд петкөдлам пуж!»  
Көсйисны эськө... да местаыс куш.

Сунгысис зонмыд сьөд йирө, эз пет,  
Мучитны-пежавны асьсө эз сет.



Ми — комияс!  
Ми — парма шörса козъяс,  
И некор огö куснясьлöй,  
Кыдз росъяс.

Ми — комияс!  
Ми — парма шörса юяс.  
А юясыдлы  
Сöстöмлун и туян.

Ми — комияс!  
Ми — парма шörса чомъяс,  
Век восьсаöсь бур мортлы:  
Лок, эн донъясь.

Ми — комияс!  
Ми — парма шörса вöрыс,  
И öттшöтш мелiöсь,  
И зумышöсь,  
И скöрöсь!

## РОЧЬЯС ИЫЛЫСЬ

Некор, некор оз вунлы:  
Менам эм воча чой;  
Шуис роч сайо мунны,—  
Мамыс муртса эз сей.  
«Кыдзи роч сайо лысьтө?  
Эз мой сюр кодкө мод?»  
Уна синва и кисьтис,  
Уна лэдзис и сөт.  
Сомын эз вермы кутны  
Ассьыс ичиньо кыв.  
И со сатысянь шуда  
Сылон роч сайын ныв.  
Ме ог став рочсо лыдды  
Бурон. Овлө и дур.  
Но од, шуны кө быттьо,  
Абу-й быд коми бур.  
И ог ичиньос дзескөд  
Аслам серамон ме.  
Кык народ костын эскөм  
Вөлі ляпкыд на сэк.  
Онi олөмыс мод нин,  
Абу татшөмыд шоч.  
Кодлы окота төдны,  
Сылы ог кут ме нөдны,—  
Аслам гөтырөй роч.

## ЫДЖЫД МАМО

«Коммунистъясыдлөн, налөн,  
Кисътны сөмын сямыс!»—  
Тадзи менам ичөт дырйи  
Шулис ыджыд мамө.

Чорыд вензьом сиктын мунис:  
Енлы кевман места —  
Вылын юра еджыд вичко —  
Сэки эз ло креста.

Они абу ыджыд мамө,  
Куйлө джуджыд гуын.  
Лунысь луно мыйкө лыбө  
Миян Коми муын.

Оз, дерт, вичко — клуб да школа  
Лэптöны зиль княс.  
Ловъя ва кө эськө сюрис,  
Ловзьөдлі на сійөс.

Куньса синъяссө сэк эськө  
Ыджыд мамө восьтіс,  
И, ме чайта, ассьыс кывъяс,  
Бурасис да, босьтіс.



Эм пöрысь йöз, и сымда налөн мортлуныс,  
Эз быттö лёкыс сибавлы ни тöр.  
А збыль вылас öд ки-кокнас и ордлынас  
Эз öтчyd видлыны важ олöмыслысь кöр.

И выльыс найöс паччöрын эз пукöдлы,  
Пыр чуksалис — то сьöкыд удж, то кось...  
Но бурсö медводз чуksöдлiсны мукöдлы,  
А асланыслы — быттöкö эз позь...

Ни сьöлöмнас, ни мöвпнас абу зэлыдöсь,  
Кöть эськö ыджыд грамота эз шед.  
О, кутшöм шкoла овны-с найöс велöдiс,  
Мый ми вокыслы ВУЗ-ыс на оз сетi?

## ПАРУС

(М. Ю. Лермонтовлӧн)

Лӧз руа кӧні море вылыс,  
Нач ӧтка парус вундӧ гы.  
Мый корсьӧ сійӧ вывті ылысь  
И чужанінас колис мый?

Тӧв пӧльтӧ шыӧн, водзӧ нуӧ,  
И дзуртӧ мачта нӧригмоз.  
Оз ассьыс шудлун сійӧ суӧд  
И шудсьыс оз жӧ пышйы, оз.

Зэв югыд ваыс парус дорын,  
И весьтас шонді — ӧрӧ син.  
А сійӧ бушков кевмӧ-корӧ,  
Оз быттьӧ бушковтӧгыс ин.

## МЕНАМ ЧОМ

Шевкнитчōма коми парма,—  
Некōн абу пом.  
Уна кыйсьысь сэтōн кыйсьō,  
Уна сэтōн чом.

Арся вой кō тәнō суас,  
Кутшōмō кōть пыр,  
Истōг кōрōб аддзан джаджсьыс,  
Кос пес мездор тыр.

Ломты горсō, шонтысь бура,  
Сэссия вод да узь.  
Арся войыд, зэра войыд  
Зэв о́д-овлō кузь.

Менам чомйōй абу вōрын:  
Нинōм ме ог кый.  
Менам чомйōй аслыспōлос,  
Сйō — гижа мый.

И ме кōсья, медым лыддьысь  
Чōвтліс сылань син,  
Мед кōть ичōтика аддзис  
Сэтысь шоныдін.

## КОМИ КЫВ

Коми кыв! Кольӧм нэмын на тэныд  
Уна потшӧссиянь кравзисны пом.  
А тэ сӧдзӧдчин, вояссӧ веніг,  
Гора юралан, важсьыс на том.

Он на эновтӧм ыб моз тэ эжмы.  
И он кус, кызди лӧдсавтӧм би.  
Коми йӧзлы тэ колан, кызд Эжва,  
Кызди парма, кӧн рӧдмылім ми!



Гожом, а кодзид и зэрö,  
Медмисьтөм кывсö коть шу.  
Быттьökö енмыс нин нерö,  
Лөкөдö меным ас му.

Быттьökö виччысьö мясянь  
Шуом, мый ог ов таң лун;  
Быттьökö чиктылö сэсса,  
Эз на пö ошкөмыд вун.

Збыльысь öд, татшөм дзик этшöй —  
Ошка и эляся со.  
Сөмын, он вужйөн кö нетшышт,  
Татысь ме мунысь ог ло.

Мед, коть и дөзмыны 'пондi,  
Мед, оз кö дыр на ло кос,—  
Татөн нин виччыся шондi,  
Кыдзи, со, виччысьö коз.



Кодлы шуштӧм чужан муыс,  
Сӧмын тӧдӧ лым да зэр,  
Сійӧ ачыс тшака пуысь,  
Кысь оз артмы тӧс ни кер.

Кодлы веськодъ пӧрысь мамыс,  
Эм ли абу — оз и тӧд,  
Сылӧн чир ыжда и сямыс,  
Да и чир ыждаыс сьӧд.

Кодлы мисьтӧм чужан кывйыс,  
Кыв оз сетлы, быттьӧ дыш,  
Сійӧ оз нин талань сывъясь,  
Сійӧ шышсьыс тані шыш.



Кор аддза лунō бана сикт  
И пывсян кōрыс кучкас нырō,  
Кōть сиктыс тōдтōм меным дзик,  
А сьōлōм долыдлунōн тырō.

Оз весиг дōзмōд руныгысь мōс,  
Шофёр кōть миян пиньсō йирō.  
Од тані олō сиктса йōз,  
А менō налань кыскō вирōй.



Сиктса уджтö уджалас пö быдöн,—  
Век на татшöм шуасьöмыс эм.  
Вомала кöть кодöс и кöть кытöн,  
Мустöм татшöм шуасьöмыс мем.

Быдты нянь и пуктасъястö вöдит,  
Ытшкыны и куртны-чöвтны куж,—  
Сиктсаыдлöн уджыс абу öти,  
Торйöн öнi, олöмыс кор руж.

Босьтам зонмös, кодi гортас гажмис,  
Кодлöн синмыс пышйыны оз луд:  
Талун плöтник, аскинас монтажник,  
Аскомысь нин «Дружба» пила кут.

Сямтöгьд и шортö пö он вуджав,—  
Усьöмысь ли кöтасьöмысь пов.  
Сиктса уджтö оз на быдöн уджав,  
Код оз сяммы—оз тай со и ов.



Көть лон карса, ог на вывсянь  
Сикт вылад видзөд, шуа на:  
Мед олас өдъя коми пывсян!  
Мед олас чөскыд юкмөс ва!

Мед олас көмтөг тальөм ордым,  
Мед олас ельдөг петан рас!  
Мед олас мамө, и мед гортын  
Ме вой шөр войө вөлі ас!

Мед олас лайков ю дор нөрыс,  
Көн бара содө керка лыд!  
Мед олас томулов и пөрысь,  
Мед олас югыд биа рыт!

Мед олас сиктсалөн быд колөм  
И вежныс кар вылө оз пет!  
Мед олас мортөс лэптан олөм  
И чужан сиктөй олас мед!

## ТРАКТОР ШЫ

Мыйон сиктө пырас асыв,  
Кылас гора трактор шы,  
Вынон кучкас ошинь тасо,  
Быттьо аслысполос гы.

Сэсся помыс оз и волы —  
Лунтыр кылас «мур» да «мур»,  
Быдон дозмытөдзид лолө,  
Некысь лоньджыкин оз сюр.

Но ме мукөд моз ог скөрмы,—  
Мед нө гөрө, содтө өд!  
Зато бабаяс оз гөрны,  
Оз кыв налонь мать да сөт.

## ЧУЖАН СИКТЫН

Чужан сиктын понъяс менӧ увтӧны,  
Мукӧд понйыс пурны весиг дась.  
А ӧд коркӧ кок йылӧ тан сувтӧ ме,  
Велӧдчыны карӧ кайн тась.

Тан ме ворслӧ, трактор доддын гурьясьлӧ,  
Видзлӧ мӧс, кӧн юыс вӧчӧ кӧдж.  
Качай вылӧ эсьйӧ кузь сюръясӧ  
Сувтӧдӧм кор, кодйыси ме тшӧтш.

Ме ог кӧсйы олӧм вылӧ элясьны,  
Кутшӧмакӧ шудсӧ тӧдлӧ нин.  
Сӧмын завидьта ме сиктса челядьлы,  
Мый ог тӧд ни ӧти вӧвлысь ним.

Окота мен коркӧя моз косаӧн  
Тӧдмавны бур мудзӧмыслысь кӧр.  
Окота мен дас нель арӧ кобавны,  
Чужан сиктын асӧн лоны бӧр!

## КОРКОЯ ПЫВСЬЫЛОМ

Сотіс жарыс. Но, а кыськө вывсянь  
Тшөктісны на койыштны көш-мөд.  
Таөдз век на мамөкөд ме пывси,  
Велавтөмла төкөтьө эг пөд.

Сөмын вөлі яндзим кызкө бөрдны,  
Көдзыд ваа ведра корсис ки.  
Мужикъяс жө швичөдчисны — гөрдөсь,  
Бытьөкөнөсь пытшкөсаныс би.

Сэссия ыджыд айөлы ме шеді:  
Корөсьөн тай мышкө швач да швач.  
И көть шой кодь көджас бөрас петі,  
Ымөстны эг лысьтлы сідз ни тадз.

И мед өдийө гөгыльтчөны вояс,  
Тайө некор паметъысь оз быр:  
Тасянь верстьө бытьөкө ме лои,  
Ньөтчыд эг нин өшөдлы ме ныр.

## ТШОТШЪЯЯСЛЫ

Ми куснясьлім, кызд бадьяс на  
Кор вежим усьом батьясос.  
И гөрлім ми, и ытшкылім,  
И төдлім кочөг бытшкылөм.  
Ми йиа ваын пурьясьлім  
И сора няньөн нурьясьлім,  
Став сьокыдлуныс мөрччыліс,  
Но некор эгө бөрддзылөй.  
Ми овлам өні зумышөсь,  
Но лөкөс огө думыштлөй.  
Ми пуктам вын и кужанлун,  
Мед оліс миян чужан му.  
Ми өні — сылөн пыкөдьяс,  
И кувтөдз лоам сыкөд ми.  
Мед сійө шудсө төдлас-а,  
А шудыс миян өтласа!

Кывзысьтөг жō кōть ме олі,  
 Отчyd мамō кинас воліс.  
 Кучкис меным сійō зырйōн.  
 Тайō вōлі война дырйи.  
 Силос гу ми кодйим сәки.  
 Гу джынсō ми кодйим регыд.  
 Сәсся купайтчыны мунім.  
 Миян уджалōмыд вуні.  
 Дурим рытōдз, ваыс пуис.  
 Сәтчō мамōыд и суис.  
 Скōрла гōрдōдōма вирōн.  
 Сійō вōлі бригадирōн.  
 Йōзыд некытчō оз тырмы.  
 Но, а уджыс юр вывтырным.  
 И ме шеді мамō киō.  
 Ме жō аслас сылōн пиыс.  
 — Виа,— шуō,— талун лючки!—  
 Да кыз зырнас мышкō кучкис!  
 Уси ме да лēкысь бōрддзи,  
 Кōть өз дорышнас, а мōрччис.  
 Мōдысь кучкōм вичча тадзи.  
 Видзōда да бōрдō ачыс,—  
 Ачыс мамō синва сорōн

Орччөн бөрдө мөһсү гора,  
Коли сәсянь уна тулыс.  
Лёк кыв мамлы эг на шулы.  
Мед ме сөвми, сылөн пиыс,  
Асьсө удзөдлывліс сійө.  
Ковтасьыс мем вурліс дөрөм.  
Кыз нө лёкавны та бөрын?  
А мый кучкис коркө зырийөн,  
Сійө вөлі война дырйи.

## КОДИ МЕДСЯ ДОНА

Олө-вылө сиктын морт,  
Олө аслас садьон.  
Абу ангел, абу орт,—  
Латшкөсiник дядьö.

Мугов чужöм, гöрдов тош...  
Вежö квайтöд «даса».  
Ветлис воуйтны, эз вош,  
Локтис доя-паса.

Сөксянь эз на кольлы лун —  
Мыйкö вöчö-керö.  
Коскас, кытчö кöть оз мун,  
Дзирдыштлывлö черыс.

Юны абу кöть зэв лют,  
Румка-мöдтö лэптас.  
Тшынасьöмсьыд он жö кут:  
Табак көшель зептас.

Сылөн аслас чин и дон:  
Уджыд понда кулö.  
Сöмын гöтырыслы — тон  
Шедлö видöм улö.

Но да тайӧ нинӧмтор,  
Мый тась корсьны лӧксӧ?  
Кутшӧм гӧтыр, ноко, кор  
Эз видлы ми воксӧ?

Абу ангел, абу орт,—  
Кайтыштам на помас.  
Оти кывйӧн, ловья морт,  
Коді медся дона.



Тадз некод ньобантор оз бөрйы  
Кыз коми дядьö бөрйö чер:  
Од выльыд вермас лоны пöрийöг,  
И лунтыр тшупан öти кер.

Чер банас печиктас да кывзö,  
Мед эськö здук-мöд кыліс тинь.  
Сэк муртса курччыштöма кывсö  
Да сюся читкыртöма син.

Оз медводз паськөм выльöс гарышт,  
Оз чатрöд лавка шöрад юр.  
Дзик веськодь, воча кыв оз арышт,  
Кöть гортас гöтырыс и варыш,—  
Но медым черыс вöлі бур!



Аски водз менö, мамö, чуксав,  
Кöть ог садьмы, тэ чуксав быть.  
Лэчча ва дорö, пыжö пукся:  
Эм и сьöлöмлөн, тöдан, выть.

Сійö сэтшöма сяммис ставсьыс:  
Вöрсьыс, шондiсьыс, васьыс тшöтш,  
Гидья нöрысысь, кузьмöс давсьыс,  
Кытi Эжваным вöчö кöдж.

Визув паныдыс сынны кута,  
Кытчöдз верма, эм быттö мог.  
Аддзан, локта ме кутшöм шуда,  
Кöть и рудзалас ки и кок.

## РОМАНТИКА ЙЫЛЫСЬ

Мый пö и романтикаыс сэтшöмыс,  
Онöдз на ог стöча гөгöрво.  
Бипур дорад узьлі эг нин этшаысь,  
И кöть тавой — оз на ковмы вон.

Сöмын вот гитаратö эг певъявлы:  
Гажöдчанöй вöлі — гудöкшой.  
Нязгыштны и мөвпалыштны вевъявлі,  
Потшöс вылын колльöдлі кор вой.

Сьöd вөр шöрсыйд, кыті туйтöм-ордымтöм,  
Паськыд нюрсö эг жö этша соб.  
Дас кык арсянь эг нин тöвйыв гортын ме,  
Кисьті сэксянь уна кöм да ноп.

И ог пов на лешмöмысь ни эштöмысь,  
Нырчча-ола — мый лоаныс ло.  
Но вот мый романтикаыс сэтшöмыс,  
Буракö, ме ог нин гөгöрво.

## МЕ КӨ ХУДОЖНИКӨН ВӨЛІ

*Николай Игнатовлы*

Ме кө художникөн вөлі,  
Рисуйті эськө сәк тәнө.  
Ыб помын сулалан чөла,  
Юр весьтад пыдөстөм енәж.

Шондыс югөрсө койө,  
Эзысьтө чужөмсьыд буссө.  
Сөнъясыд польдчөмны сояд,  
Муош кыз ләптывлө мусө.

Тракторыд сулалө орччөн,  
Вичмөма-й сылы удж пайыс:  
Бытьтөкө ньөжйөник сөтчө,  
Кельыдлөз ру сысянь кайө.

Гөрөмыс шыбитчө синмад,—  
Сьөдвидзө ылыс вөр бердөдз.  
Тадз эськө ассьым картина  
Вөчи да нимті ме: «Вердысь».

## ОТИ СИКТЫН

Пырим өти сиктө  
Мича гоҗся луно.  
Морт эз лолы паныд,  
Кузяла көть мунім.  
Абуось мый гортас,  
Кольомаось пасъяс —  
Кильчө өдзөс вугъяс  
Сюйомаось тасъяс.  
Көні зыр, көн палич,  
Вөсни ньөртор көні.  
Пырөмысь оз кутны,  
Мода вылас сөмын.  
Ошинь пырыс төдчө:  
Олоны оз гөля.  
Гусясис кө кодкө,  
Тані сылы вөля.  
Сэтшөмыс тан абу,  
Оз кө кыськө волю.  
Отитөг став йөзыс  
Уджөн тані оло.  
Та вөсна и сиктас  
Мича гоҗся луно  
Морт эз лолы паныд,  
Кузяла көть мунім.

## СЕМО ЮКМОС

Асыкалём струбыйс  
Некор абу сиптос.  
Вольвлёны татчө  
Ичмоньяс дзонь сиктысь,

Ветлысь-мунысь татчө  
Сувтывлө оз прөста:  
Йи кодь ваыс көдзыд,  
Зарава кодь сөстөм.

Муртса видзөдлөмысь  
Юны вежыд петө!  
...Юкмөссө пө, тайос,  
Вөчлөм Семө дедө.

Ставлы васө сетлөм,  
Абу вөлөм колысь\*.  
Та вөсна и нимыс  
Кулөм бөрас олө.

---

\* Колысь — горш, скуп.



Ме кӧ вӧлі ыбӧн,  
Сымда нянь ме чужті,  
Быдӧнлы мед трактор  
Доддӧн ӧдва нюжтіс.

Ме кӧ вӧлі юӧн,  
Эськӧ со мый кери:  
Ветельӧ и тывйӧ  
Сюйи уна чери.

Ме кӧ вӧлі ягӧн,  
Енэжӧдз код кайӧ,  
Лыдтӧм пӧтка быдті,  
Тырыс вотӧс вайи.

Гашкӧ, и зэв тешкодъ  
Сёрни татшӧм сяма.  
Но ӧд йӧзыс бурӧсь,  
Найӧс радейта ме!

Матрен пөчөлөн мугов чужомод  
 Кадыс агасөн быттьө вуджомма.  
 Емтө пысалө — кыис вөрыштө,  
 Мыйкө висьталө — юрыс дзөрыштө.  
 Сөмын синъясыс сэтшөм томось на:  
 Тодас локтысьтө кывтыдпомысь на.  
 Да и сьөлөмыс биа-өдъя на:  
 Курас-карастө вөчө өдийө на.  
 Пиыс вылө на, овлө, видчывлө,  
 Тшөтш и монъыслы сысянь вичмывлө:  
 «Лыбис шондйис ниа кузя нин,  
 А ті, руньяяс, век на узянныд.  
 Абу яндзим мөй тадзсө нистыны?  
 Кор нө воланныд коммунизманыд?  
 Ми кө тадзи жө коркө нюжмасьлім,  
 Совет олөмыд эз и вужьясьлы.  
 Медым өні жө вөлі чеччөма,  
 Меным пожьясьны колө лэччывны».



Ыджыд айō пармаō и кулōма,  
Кыдзи ачыс водзвыв коркō шулōма.  
Верма пō да ветлыны пō колō на,—  
Сизимдасōдз кык лун абу олōма.  
Чужōм вылас абу пō и вежсьōма,  
Сōмын баныс тошнас содтōд эжсьōма.

Ог ме вōрав, сьōкыд меным шунысō,  
Кытчō смертыс вермас менō сунысō.  
Оти кывъяд сьōкыд сыкōд вонытō.  
Но, кор локтас, удж вылын жō лоны кōть,  
Медым кувны виччысьтōг ни тōдлытōг:  
Овнытō од быдōн, чайта, пōтлытōм.

## ПОРСЬ ВИДЗЫСЬ АНЬЛЫ

Абу нин кӧть коркӧя кодъ яр,  
Дыш да няр пӧ — нимтӧм эз на кӧвъясъ.  
Ковмас — муна кыпӧдны выль кар,  
Арктикаын кымын во кӧть тӧвъя.

Сиктын быдми, кокни удж эг корсь,  
Сьӧкыд водзад ньӧти на ог сырмы.  
Но мед видзны комын во чӧж порсь  
Шойччывлытӧг — ме эськӧ эг тырмы.

Онялӧ юыс, кӧть тыввьясь,  
Шондӱыс сэзинӧ нӧрӧ.  
Мичаа пасьтасьӧм ныввьяс  
Лӧчӧны теплоход дорӧ.

Некытчӧ найӧ оз мунны.  
Важ моз оз вӧтлы лӧк олӧм.  
Сӧмын тай вунӧма унныс,  
Синманыс полӧм и колӧм.

Олӧмыс абу куш татӧн.  
Олӧмыс ва дор моз вежсьӧ.  
Войтырыс кывтӧ и катӧ,  
Петкӧдлӧ ныввьяслысь вежсьӧ.

Абу ме чуйдысь ни кутысь.  
Мед кодкӧ-й лоӧ тась мунысь.  
Сӧмын мед ныввьяслӧн шудыс  
Пуксяс, кыз аския луныс.



Медым аскисьыс эз ков повны,—  
Медводз тайос од көсийо морт.  
Онi позьо нин сиктад овны,  
Содтөд — сэтөн кө тэнад горт.

Мыйла кытчөкө мунны ылө,  
Уджсьыд воо кө? Эн и доль!  
Эськө тадз. Но вот бара кылө,  
Эз пө некод нин томыс коль.

Таысь шуштөмыс мыйкө эм-ө?  
Он од мунысьтө шор моз пом.  
Рытнас гудок сэн ворслис нэмыс,  
Онi кывлан, а то и он.

Көсьям чөскыда сейны-юны.  
Оз кө сиктыд сет — сәсәя кысь?!  
Но мед пышйысьөн зонмөс шуны,  
Коді мунө сәсь, ме ог лысьт.

Оз од лывкъявны — сэтшөминө  
Вөрзьө, кытөнi тожө удж.

Сідзкө, сьөлөмыс эз на инась,  
Көть эз тшыгөма восө вудж.

Пыдди пуктыны зонсө колө,  
А не пинявны: «тыр» да «быр».  
Пөтис сылөн мед тшөтш и лолыс,  
Со мый колө өд. Пырысь-пыр!

Сэссия дугдыны колө сөрны,  
Сөмын уджын мый мортлөн шуд.  
Мортыд чужө оз сөмын гөрны,—  
Сылы этша нин татшөм пуд.

Тшөтш и серавны чужө, сывны,  
Панны мустөмкөд чорыд вен.  
Чужө сьөлөмнас ставсө кывны,  
Ставсө вежөртны, көн мый эм.

Асьным воясөн тайөс пестім.  
И бөр кусөдөм, дерт, оз ло.  
Сідзкө, медым и сиктъяс весьтти  
Лэбас кыпыдлун воысь-во.

## ЗАДАЧА

Вөчамөй вайö задача:  
Бытьёкө пөчөөс аддзам;  
Бытьёкө төдам ми содтөд,  
Мый сылы пенсия локтө;  
Бытьёкө төдам и сийөс,  
Мыйла век юкавлө кийс —  
Тулысын гөр бөрся ветліс,  
Төв воліс — кер лэдзны петліс,  
Вой кө сэк пөттөдзыс узис,  
Кык пи дай верөсыс усис;  
Отнас важ керкаас олө,  
Сикт кодяс быдөнлы колө:  
Кыө да печкө да вурө,  
Чөсмөдлө важ нога сурөн,  
Олөдө, велөдө, вөчө,  
Век на, кыз шуасны, жөдзө;  
Вөтнас вот кувлө да повзью...  
Юавсьө, кыз сылы овсьө?

## ШОЙНА ЯГЫН

Ме шойна ягö волі тöрыт,  
И век на сьöлөм вылын гөрөд.  
Тан, ягас, пöрысь пожөм пуяс,  
А пуяс улас гежөд гуяс.  
И воймөм крестьяс висьталöны,  
Мый миян мамьяс танöсь öнi.  
А көнөсь батьяс — енмыс төдö...  
И лолыд шы ни төвсьыс пөдö.  
Тась кодi война вылө петiс,  
Зэв гежөд бöрсö волiс сэтысь.  
И мамьяс дзормисны, кыз ызөн...  
И танi бара öтнанысөн.



Песом кучикон эжом ёсь пуртос  
Пызан йортодын век менам эм.  
Ыджыд айолон ош кыян пуртыс  
Сэни колляло ассыс кузь нэм.

Лэчыд дорыша, бан-яйтөм, мича,  
Босът да бритчы коть — быдмө тай тош...  
И ог ошйысь, а синмөс моз видза,  
Медым некор эз саймовтчы, вош.

Ньюбысь петалис, гашкө, и дас морт,  
Но эг вузав — эг та выло чуж.  
Сийо колө мен, кызди мод паспорт,  
Мый ме коми, мый эм менам вуж.

## НОШТА ЫДЖЫД АЙО ЙЫЛЫСЬ

Ог радейт, кодыр колльөдөны менө,  
Көть, төда, некод гуся лөг оз кут.  
Мед туйө петысь. Но өд туяс сәні  
Ме ог на йөрмы, кызди синтөм гут.  
Мен ыджыд айө төд вылө век усьлө:  
Дзонь төлысь кежлө мунө кыйны ур,  
И код төдас, көн сьөд вөр шөрас узьлө,  
И код төдас, сән кутшөм лоө нур;  
А друг да ошлы гыжъяс улас шедө,  
Өд арся ошкыд, водөм водзад, скөр,  
Но колльөдны кө морттө вөлі петан,  
Сэк букыштчас да матьөн ыстас бөр;  
И локтігас, көть аддзан кильчө вывсянь,  
Эн паныд уськөдчы, а сулав чөв;  
Но медым дась нин сылы өдъя пывсян,  
Да дөрөм-гач, да бурджык корөсь пөв;  
А пывсян бөрас лабич помын пошкө  
Да тыра нопсө тшөктө разьны мен;  
И кезмунлө, кор жалитан ли ошкан,  
Да сөмын шуө: «Сы вылө-й ме эм!»  
Тадз сийө ассъыс гөгөрволіс могсө,  
И меным тайө интөмөн эз коль,  
И мустөмта жө туйө петан шөгсө,  
И локтөм бөрын унасө ог доль.

## МЕДВОДДА МОЙД

Эз меным дольлыны: «Гусясьны — лёк!  
Лёк — вöчны кодлыкö пакöсть».  
Тшыгъявлöм тöдлi и кынмалан шог,  
Сöмын эг ачымöс лякöсьт.  
Эз весиг индивны, енмыс пö со,  
Сыысь пö колö кöть повны.  
Ичöтсянь тöдi: мен прöща оз ло,  
Нэм ковмас пез туйö овны.  
Ог таысь петкöд, мый комилöн лов  
Из кодь жö чорыд да дойдись.  
«Чужин кö овны, то морт ногөн ов»,—  
Татшöм тан медводда мойдыс.



Пӧч-пӧльнымӧс босьтамӧй, —  
Мӧд йӧз оз на ков.  
Сэтшӧм мица востымӧн  
Воссӧ налӧн лов.

Ветлісны кӧть чераӧсь,  
Ва дорын — кӧть кӧн,  
Кодкӧ ӧмӧй керавліс  
Дзоридзалысь льӧм?

Вӧвлі: тшыгӧн водлісны  
(Абусьыд он пӧт),  
Но мед коркӧ вотлісны  
Кыннас пув да чӧд!

Некод дозмӧрпиянтӧ  
Арӧдзыс эз кый.  
Мый нӧ лои миянкӧд?  
Мый?



Вөрын мед керка,  
Пон медем Серко  
Олө сән мекөд,  
Сэсса мед — некод.  
Ичөт на вөлі,  
Паччөрын чөла  
Мөвпавлі өтнам,  
Овлі нин вөтнам.  
Лөсьыд, дерт, вөрад,  
Овнытө төран,  
Сөмын тай сэтчө  
Эг на ме сетчы.  
Быдман көть вөйөн,  
Абу өд көин,  
Йөзыс көн ызгө,  
Сэтчө на кыскө.  
Өткөннад, вөлөм,  
Кынтө быд төлөн,  
Ырнялысь шонді  
Оз весиг шонты.  
Йөз дорад мортыд  
Век быттө гортад,  
Шудсьыд он ылав,  
Чаг моз он кылав.

## НИМЪЯС

Коми мортлы коми парма  
Ена лышкыдӧн эз вӧв:  
Венан — озырмӧдлас арнас,  
Он кӧ — виньгырт гортад чӧв.

Ловтӧ сир тор моз он сьӧвззы,  
Ош моз пев помсьыд он пӧт.  
Нэмсӧ коми морт эз ӧвсьыв,  
Йирксъыд ув лыдтӧ эз тӧд.

И со ӧнӧдз татысь кылам  
Бытьтӧ сӧ восайся гор:  
Якӧ лапта, Педьӧ тыла,  
Иван чомъя, Иллядор.

Мусюр сайысь весигтӧ нӧ  
Нимтӧм-пастӧмин оз сюр:  
Мишӧ егыр, Пильӧ йӧнӧд,  
Кирӧ яг и Петыр нюр.

Ставыс нима: ёль и кыскӧд,  
Чукльӧсь ордым, кузьсьыс-кузь...  
И мен нимкодъ, мый эг кыськӧ  
Тайӧ му вылас ме усь.



Сы мында Зырьяновск эм Сибирын!..  
Налы подув пунктис коми морт.  
Тшыгöмыс кор топöдис да йирис,  
Ковмис сылы кольны парма-горт.

Петис асъя шондйислы воча,—  
Мышкас ноп, а коскас тошка чер.  
Тувсов ош моз зилис сöмын водзö,  
Ныровмунлис, сулис кодыр зэр.

Пернапастöг вөрö-ваö пырис,  
Косан думөн сьөлөмсö эз нок...  
Сы мында—Зырьяновск эм Сибирын!  
Онi тавсь любö мен и шог.



Бара вой төв лымсö кодзис.  
Туйысь кежавны он лысьт.  
А ті төдад, коді вöчис  
Медводз öнiя кодь лызь?

Он кö — калькöдыштам вайö  
Важ-важ олöмыслысь вон.  
Аддзад, швучкö егыр сайö  
Йöра бöрся коми зон!  
Ыджыд йöра лымсö пызйö,  
Сэсся пöрö, быттьö гы.  
Сійöс вöтöдöны лызьяс,  
Медбöр здукас — лэчыд шы.

...Тасянь дас нэм бура колис.  
Позьö шуны: «Сöрöмтор!»  
Но наука абу вольöс,  
Он веж сійöс, кöсьян кор.

Сійö висьталö зэв стöча,  
Коді, кöні, мый да кысь.  
И ме шуда, мый ми вöчим  
Медводз öнiя кодь лызь.

## ИЗЪВАТАС

Эськө-й сёрниныс и ас,  
Сідзсө-й коми войтыр.  
Висьтасьöны «изъватас»,  
Кыдзи-й коркө войдөр.  
Збыльысь торъялöмыс эм,  
Паськөмныс и мөд нин.  
«Чегö» пызаныд көть сэн,  
Чайтöгыд оз пöтны.  
Кыйсян керка, олан горт  
Абу дурка видзöм.  
Мед тэ-й аддзывлытöм морт,  
Кайтыштасны: «Видза!»  
Некор асылыс оз су  
Найöс паччөр шöрын.  
Уджалöны видз и му,  
Ветлөдлöны көрын.  
Гыа ю ни лымъя эрд,—  
Нем оз сувтöд найöс.  
Парма чурк и саридз берд  
Төдöны Из сайöдз.  
Збой да писькөс, тэныд дась  
Медбөръясö пуны.  
И — «Мед олас изъватас!» —  
Көсийысьö тан шуны.

## ТУНДРАҢЫН

Тундра шөр, а быттыо гуын:  
Нем оз тыдав, нем оз кыв.  
Саридз дорсянь локтысь руон  
Ойдіс ставыс — ув и выв.

Көдзыд ульон люзьтө пыр на...  
Луныс быттыо эз и вөв.  
Муртса кыскыштылан нырнад,  
Сэсса бара куйлан чөв.

Эськө төдан: вольной светас  
Сявкйө шонді, юргө гаж.  
Но зэв шуштөм, и оз петав,  
Кызди көр видзысьлөн, ваш.

Сылы веськодь, мыйкө сьылө,  
Сэсса мойдө мыйкө мен.  
Сийө мортөн асьсө кылө,  
Со и шмонитө на сэн:

Кодлы колө пө, мед полө,  
Коньорыдлы доныс джын,  
Коньорыд пө ваын олө,  
А ми олам му вылын!



Лөзов и еджыда бордаяс —  
Сювчөжъяс, көрөгъяс, гордаяс  
Быдтысьны локтөмны миянө,  
Арнас мед лэбзыны пиянөн.

Лэдзөны пыжатө матөник,  
Лыйны кө быттьөкө — лада нин,  
Лый сөмын кык стволсьыд шөраныс,  
Вит-квайтыд сэтчө и пөрөны.

Тулысын пищаль ог кыскав ме,  
Ловъя лов чергөдны кыськө мед,  
Помся кө на вылө зырөдны,  
Му вывсьыс позьө и бырөдны.

Он нин сэк ва дорад вашмунлы,  
Тыртөммас ытвадыр гажлуныс,  
Катша да рака и кольөны,  
Пөрысь йөз кызикөн дольөны.

Оз жө ло тадзи мед збыль вылө,  
Выль лэбач чужө мед выль вылө,  
Вөрын и ва вылын шыалө,—  
Сьөлөм мед нимкодъсьыс гыалө!



Войтырыс кӧ пыдди пукгӧ,  
Оз на сы понда, мый дзор.  
Пыдди пуктӧмтӧ он чуктӧд,  
Криста радиӧн он кор.

Абу сийӧ шыблас кӧлуй,  
Абу муӧ усьӧм коль.  
Горш ли наян, дыш ли ӧлук,—  
Йӧзыд казаявтӧг оз коль.

Войт он сайӧд мисьтӧм ногтӧ,—  
Унаыдлӧн уна-й син.  
И оз отсав, пес кӧть лӧктӧ,  
Весиг коркӧ шедлӧм чин.

Олан сямнас мортыд мичмӧ,  
Кыдзи вылі лӧбысь юсь.  
Пыдди пуктӧм сылы вичмӧ,  
Кодлӧн морттуйыс оз усь.



Коркӧ лӧсьӧда пон, коми пон:  
Гаров бӧжа да сувтса ёсь пеля.  
Сета, ковмас кӧ, дас пӧвста дон:  
Водзвыв тӧда, мый бӧрас ог элясь.

Сыысь инаыд некысь оз сюр,  
Сійӧс нинӧм оз падмӧд ни повзьӧд.  
Сылы — мед сӧмын вӧлін тӧ бур,  
Сэсся кызди кӧть тӧ дорын овсьӧ.

Сылы малалӧм-ошкӧм оз ков,  
Весиг пель сайсӧ гыжйыштӧм веськодъ.  
Сылӧн сьӧлӧмтӧ бурӧдысь лов:  
Шондӧ югӧр кодъ шоныд да веськыд.

Ме ог шу, мый оз ло матыс морт,  
Коля ӧтнам важ сапӧг моз пӧла.  
Но мен ковмас и колӧ нин ёрт,  
Кодкӧд позис мед мӧвпавны чӧла.



Ичөт дырйи Эжватө  
Эг жө кольлы гежмавтөг.  
Визулыс көн гартчылө,  
Весиг сәти варччылі.  
Гатшөн шөрас куйлывлі,  
Бона увті уйлывлі.  
А вот өні польшта,  
Ваас пыртөдз лолышта:  
«Бөрсө эськө вои мед».  
Гашкө, сюсьджык лон ме?  
Төдөмысь.  
Но, буракө,  
Пөрысьми тшөтш буракодь.  
Сьөлөмөн!  
Өд, ышта кө,  
Эжва ютө пыжтөг на  
Вуджала.  
Вот аддзылад,  
Гожөмнас кыз варччыла.

## МОРТОН КӨ ВИЧМОМА ЧУЖНЫ

Ачым ме гөрысь и кыскысь,  
Ачым ме дядьö и вöв.  
Морт туяс овывла ызгысь,  
Вöв туяс овывла чöв.

Скөрала, артмö кор надзöн,  
Лолыштны дырдзык ог сет.  
Во гөгөр тилься ме тадзи,  
Шойчöдны жальöй оз пет.

Сьөлөмöй кытчöдз оз кöдзав,  
«Тырмас» — ог думайт ни шу.  
Олөм чöж гөра да кöдза,  
Олөмыс меным, кыз му.

Колö на тöдны и кужны,  
Колö, мед кадсö он узь.  
Мортон кө вичмөма чужны,  
Мортсьыс мед улö он усь.

Сьөкыдсö, полөмсö венан,  
Абусö водзвыв он доль.  
Кöсьян, мед олөмыд тэнад  
Изөрмөм муон оз коль.

Узьмөдчысь вөр-ваыс лолалө арөн.  
 Радейтан ёльлань ме восьлала бара.  
 Кудриа тугана пожомъяс тані  
 Сяльөдчысь ёльыслы кайёны паныд.  
 Лысваыс на вылысь сикөтш моз киссьө,  
 Китыра розъяса пув сійөн мыссьө.  
 Алькөс ёль берегын галяиз уна,  
 Дозмөр сэн кокасьө, ваткыльтө-мунө.  
 Жежа ме бокөджык: пельсь пу вөрө,  
 Биа гөрд пельсьөн чөсмасьө йөра.  
 Пыркнитіс сюръяснас, полөмсө веніс,  
 Лапнитіс пельяснас важ төдса менам.  
 Ог сійөс манит, а водзө ёль пөлөн  
 Восьлала сэтчань, көн чипсасьө съөла.  
 Лунтыр ме ветла, көть кок йылысь уся,  
 Мудзөмыс тайө мен зэв жө нин муса.  
 Мортыс ме коми, а комиыд, төдад,  
 Кулас да вөлисти вөр-васьыд пөтас.

## КЫЙСЫСЬЛОН ВИСЪТ

Понийо казяліс тулан,  
Борсыс вѳтчыны кутіс.  
А ме пон борся. Сэки  
Лёкысь конйыштчи, туті.

Кокос усигон дойді.  
Пыктіс, краж кодъ дзик лѳис,  
Воді коз улѳ. Ружта:  
«Олом помѳй тай воис».

Кытчѳ коктѳгыд мунан?  
Кодос чукѳстан вѳрад?  
Рѳкыд вылѳ и няньѳй  
Ньѳти эз лѳсяв сьѳрам.

Мый эг думайт ме сэки!  
Юрѳ мый сэк эз воы!  
«Мися, згинита — быра,  
Мися, кодлы ме кола?»

Зэв нин гѳтырлы, мися.  
Сѳмын корссѳма сылы:  
Ачыс висьѳдчѳ коснас.  
Пиѳй велѳдчѳ ылын.

Сэссия некод дзик абу,  
Кодлы ме эськӧ дона.  
Но, а йӧзыдлы веськодъ,  
Оз на шогсьыны ёна.

Зэв нин казтыштас кодкӧ  
Мукӧд сёрнияс бӧрын:  
«Мишӧ Иван пӧ вӧвлі,  
Сэктӧ кувлі пӧ вӧрын».

Но да... висьтала водзӧ.  
Сизим сутки ме куйлі.  
Не кӧ лыддыны пувтор,  
Вомӧ нинӧм эг суйлы.

Уси сьӧлӧмӧн дзикӧдз,  
Быри надея овны.  
Весиг сыысь, мый кула,  
Сэки дугдылі повны.

И друг сизимӧд лунас  
Гора жургӧм шы кылі.  
Восьті синмӧс, а лэбӧ  
Вертолёт, оз и вылі.

Мыйкӧ, думайта, корсьӧ,  
Сӧмын, тӧда, оз менӧ.  
Но ӧд, думайта водзӧ,  
Морт жӧ пукалӧ сәні.

Сылӧн абу мӧй сьӧлӧм?  
Оз мӧй, аддзас кӧ, лэччыв?  
Вӧлі коз бокин кушин,  
Петі-быгыльтчи сэтчӧ.

Куйла, вөрөда киөн.  
Понийй ветлөдлө диньн.  
И, көть омөля эски,  
Менам көсийөмыд инис.

Месянь воськов вит сайо  
Пуксис стөч вертолётывд.  
Пыр жө лётчикыс петис,  
Менсьым юалис: «Коди?»

Нимос нурбыльті сылы.  
Ме пө тэнө и корся.  
Нельөд лун пө нин талун  
Ветла-лэбала помся.

Пыртис моздорас менө,  
Понла петалис бара,  
Сэсся, мый өдийө вермис,  
Весьтас лэбөдис карө.

Төлысь бурдөдчи сәні,  
Бөр на лон со кока.  
Понкөд ветлывлам вөрө,  
Кыйсям важсьыс ог лёка.

Сөмын отитор менсьым —  
Оз, дай вөрзөдлас сьөлөм:  
Татшөм ичөтик морт ме  
Татшөм колана, вөлөм!

## ЛЫСКО

Вөчис Педьö дедö  
Лыскоыслы горт,  
Ассьыс нэмсö Лыско  
Оліс, кыдзи морт.

Ноддя дорын узьліс,  
Тöдліс зэр и слöt.  
Кötь и пон, а вердысь  
Сійö вöлі тшötш.

Дас кык воөн ньötчыд  
Тыртöма эз увт.  
Ветліс вөрö, кытчöдз  
Сьölöмыс эз сувт.

Педьö дедöс ошкысь  
Мездіс, кыдзи ёрт.  
Педьö дедö вөчис  
Сійöс дзєбны горт.

## МОСЪЯС

Жыннян шыён торксис  
Рытъя сиктлөн чöv.  
Эжва дорысь мөсъяс  
Катөдоны йöv.

Нейджыд и кырйыс,—  
Кайöны нин час.  
Сулыштасны... Сэсся  
Бара воськов дас.

Видзысьыс оз ыршась,  
Ньөрйыс көть и кузь.  
Мөсъясыдлөн, налөн  
Доныс нэм оз усь.

Война дырйи натөг /  
Эськө-й олім эг?  
Тайö рытъя звöныс  
Кылас медым век.

## ЙОРА

Кузь кока, сизим вожа сюра,—  
Пу костод аддзи сійос бура.

И сійо бура мено аддзис,  
Но пельсь гогор ветліс надзён.

Том небыд йывсө сёйс чола.  
А менам отка пуля вөлі.

Но ме эг лый, коть верми эськө.  
А сійо менам бурө эскис.



Ылі туйö петöмаöсь юсьяс,  
Некытчö оз кежавлыны здук.  
Вой тöлыс кöть кутшöма оз усьлась,  
Налысь мича кельöбсö оз дзуг.  
Саридз дорöдз сьöлöмныс оз такав,  
Лэбöны и лэбöны — он кут.  
Юсьясыд öд абу катша-рака,  
Куйöд мылькйыд абу налы шуд.



Чужо мортыд коть кытӧн,  
Оз на кыйсьы тай быдӧн.  
Сэтчӧ юр жӧ ӧд колӧ,  
Да и эн тӧд мед полӧм.  
Бот и кыйсьӧны найӧ,  
Коді, ветлас да, вайӧ.  
Кодлы нинӧм оз шедлы,  
Сійӧ вӧрад оз ветлы.



Лэччысь шонді югөръясысь гөрд биа  
Вөр пу йылыс, сьылөм кылө кысь.  
Вичкоо моз пыра тайо вөр діас,  
Кызөктыны весигтө ог лысьт.

Оз зэв вичмыв татшөм югыд чөвлөмыд,  
Син куньөмтө ассьыд кылан қор.  
Восьлалан, и нянь моз ловзё сьөлөмыд,  
Дөрөм юрийв кизыд чуть оз ор.

Сэсса сирөн кольмытөдзыд өвтыштас  
Төв руыс сэн, понөльсьыс көн куш.  
Лигышмунлан... Лолыштан да мөвпыштан,  
Мый тэ морт, мый лёк вөчны эн чуж.



Ылыдз-Ылыдз, тэнад югыд ваысь,  
Уськөдан кө, аддзан весиг ем.  
Радейта ме, Ылыдз, тэнö таысь,  
Та понда жö-й сьökыд овлö мем.

Тэ öд, Ылыдз, быттö кальöг вома,—  
Нинöм тэнад висьтавтöм оз коль:  
Косьяс вывсьыд аддзан лыдтöм комöс,  
Изья джумъяд сулалö со лёль.

Вот и помся шышкасьöны тани:  
Коді — тывйöн, кодлөн — азьлас ёсь.  
Но ми, Ылыдз, сувтам налы паныд,—  
Сöстöмлунтö видзтöгыд оз позь.

## АРСЯ ЯГЫН

### Серпас

Кос гулыд яг. Кув-чунган шыа.  
Зэв тшотшамос — ни выв, ни ув.  
И, быттё чирйиссьома кыа,  
Яг пасьта öзиö воом пув.

Ми тэрмасьомөн öктам дозийö  
Да сёям — он öд пувсьыд пот.  
А матын вотчö пöрысь дозмөр  
И видö пайкөмысь: «Кот-кот!»



Меным ас туяс кажитчө кӧин:  
Сылӧн вежӧр эм, эбӧс и мич.  
Медым горшӧн кӧ овлӧ да вӧйӧн,—  
Сылы енмыс нин шулӧма сӧдз.

Зато сылы мед кодзулӧсь йирка  
Вӧлі гортис,— и тайӧ нин шуд.  
Сакар тор вылӧ йӧйтавны циркад  
Сийӧ ош мозыд некӧр оз кут.

Лёкысь пессьомён коли войыс.  
 Лымйыс гөгөрбок лои гөрд.  
 Сійö, вермис кö, эськö сёйис  
 Кокас лыödзыс пырöм кöрт.

Сöмын изсисны сэтчö пиньяс:  
 Чорыд капканлөн вöлі дор.  
 И сэк аддзисны сылөн синъяс,  
 Кыті йирны эз вöv на сёр.

Сійö водіс да йирис гусьон  
 Ачыс ассъыс жö кокчөр лы.  
 Сылы вөр-ваыс вöлі муса —  
 Весиг эз сетлы öти шы.



Код төдас кодi, пöрысь-ö том,  
Ректöма кодкö кыйсьысьлысь чом,  
Гор пыткас сöмын кольöма шом.

Томан ни иган сэтöн эз вöв,  
Быдöнлы осьса — гожöм кöть төв:  
Косьтысь да пусьы, узьмöдчы чöв.

Татшöмтö парма уна оз төд:  
Öти мед пунктiс, сöтыштiс мöд.  
Этшаöн, кодлөн лов сайыс сьöд.

Няйтöсьтны таысь йöзсö ог кут:  
Меддона налы ёртасян шуд.  
Кодлыкö сöмын — аслас пезж куд.

Кыйсьысьыд — кыйсьысь, пикö оз во,  
Ышловзяс зэв нин, гарыштас: «Но?!»  
Эскöмыс мортлы — вот мый оз ло.

Сы пыдди лоö сьöлöмас гыж.  
Тасянь и колö артавны мыж,  
Кутшöмöс вöчис пармаын шыш.



О, Төв поз из! О, Төв поз из!  
Тэ йөрмөм төвъясылы вис.  
Тэ лэдзан накөд лым ли зэр,  
А то и чунь пом гырся шер.  
А мортыд дөзмывтөг он ов,—  
И быттё-й ньөти тэ он ков,  
И бурджык, киссян кө грым-йирк...  
Но ми жө абу йөйөсь дзик.  
Од эн кө му вылас тэ вөв,  
Эз төдлы мытшөд көдзыд төв.  
А өні медводз тэө — швач,  
И вынсө — джынсө воштө тадз.  
И бур, мый аддзө сэссия вис.  
Тэ кык пөв колан, Төв поз из!  
Тэ мортлы ланьтлыны он сет,  
Көн оло-вылө, төдіс мед.



Каравомын чусмунлõны бияс,  
Ема-тõлыс быттьõ найõс ёрõ.  
Гожõм шõр, а керка судта йияс  
Сибõдчõны, гирскиг, берег дорõ.

Отка мачта кõнкõ йияс пõвстас:  
Вошлас нин да петкõдчылас бара.  
Кыздз кõtь морттõ олõмыс оз пõвсав,  
Уджалõ век важсõ важсьыс яра.

И оз падмõд кынмалõм ни ноксьõм,  
Сõмын эськõ шедõдны мед вермõм.  
Та вõсна жõ-й черитõг оз локсьы  
Карасалõн, содтõд на кõtь зёрмõ.

Овмõдчõмны татчõ тундра нырдас,  
Он и тõдлы кõни — бара ар нин.  
Зато ставсьыс мойвилас сідз, тыртлас:  
Шедас лыдтõм эзысь кыша зарни.



Көр видзысь войбыд оз инась:  
Водлас да чеччылас бөр.  
Сэтшөма висьмөма пиньыс —  
Матькө и муртса оз бөрд.

Сяммас кӧ, нетшыштас ачыс,  
Клещи нин босьтліс, да — эз...  
Ме жӧ пӧ велӧдлі врачӧс!  
...Ми сылы вайим отрез:

Бур уджсьыс премия вайим,  
Вурас мед пинджак ли гач.  
...Мый кӧсйи висьтавыны тайӧн?  
Йӧзсӧ мый радейтлам тадз!

## ВОРКУТА

Тан бушков төвбыд печкө лым,—  
Кысь нетшкө, кытчө гартө-сукталө.  
Тан муыс клёнакылө — кын  
Да гожом шөрын йи моз чукталө.

Но гөгөр зымвидзө копёр,  
Составъяс гөгыльтчөны лунвылө.  
А карыс бияс өзтас кор,  
Сэк востымасьö тшөтш и му вылас;

И быттьö лун, а оз лок вой,  
Көть эськө петöны нин кодзувъяс;  
И быттьö кывзан мича мойд,  
А помыс сылөн көнкө водзын на.

## ГАЖ ЙЫЛЫСЬ

Быдсяма йӧзыс олӧны,  
Быдӧнлӧн аслас кӧр.  
Кывлі ме, быттьӧ колӧ пӧ  
Гаж вылӧ коръя вӧр.  
Лунвылын лӧсьыд бӧрйысьны:  
Лунвылад гажа, дерт.  
Тундраын абу вӧръясыд,  
Шыльквидзӧ помтӧм эрд.  
Сідзкӧ нӧ, шуштӧм татӧні?  
Буалӧ турӧб куш?  
Томлун оз некӧн матӧво,  
Том сьӧлӧм абу руш.  
Могъяс страналысь пӧртігӧн  
Том йӧзлӧн чорыд ки:  
Рытьяснас гӧгӧр пӧртмасьӧ,  
Пасьтала резсьӧ би.  
Гораа клубын сьылӧнъ,  
Йӧктӧны мича вальс.  
Овны код кужӧ, сылы тан  
Томдырыс абу жаль.  
Карын и быд посӧлокын  
Гажатор уна эм.  
Ачыс мед волас, колӧкӧ,  
Коді оз эскы мем.

## ВИЧЧЫСЯМ ВОЙВЫЛО

Состö кö, другöй, пуджан —  
Некытöн абу лëк.  
Миян тан помтöм уджыс,  
Миянö, другö, лок.  
Кöсьян кö — из шом перйы,  
Кöсьян кö — стрöит кар,  
Сöмын мед вöлі нервыд  
Крепыд да ачыд яр.  
Эн эскы сылы, кодi  
Аддзö куш лым да няйт:  
Кулитны сылөн мода,  
Дженьыд кö лоö шайт.  
Тулысыс танi öтнас,  
Шуны кö, вештö во!  
Он аддзыв весиг вöтнад  
Татчöс кодь югыд вой!  
Сьöлöмад биыс эм кö,  
Сюрö и гöтыр тан.  
Öткөн öд овны нэмтö  
Абу жö шондiбан!  
Виччысьны тэнö мöдам,  
Öдйöджык, другö, лок.  
Абу кö полысь рöдысь,  
Войвылын оз ло лëк!



Аддзылїд шахтаысь петӧм?  
Сїдзкӧ, тї эсканныд мен:  
Петӧ шахтӧр кодыр сӧтысь,  
Быттьӧкӧ петкӧдчӧ ен.

Юр йылас би сылӧн ӧзйӧ,  
Бусысла бан бокыс лӧз.  
Синъясас горӧдны кӧсйӧм:  
«Оланныд-выланнїд, йӧз!»

Сӧмын мудз кияссӧ сылысь  
Бовкнитлӧ ыркнитлысь тӧв.  
Казялан тайӧс — и выльысь  
Вежӧртан: енмыд эз вӧв.

Енмыдлӧн кыис эз мудзлы.  
Мый сийӧ лӧсьӧдїс тан?  
Мортлӧн жӧ быдлаӧ судзлӧ  
Кыис, мед олӧм эз ям.



Сьод нитш да ва да урӧс пуяс,  
Зэв паськыд зыбуч нюрлӧн от.  
Но трактор муркӧдчӧмӧн уйӧ,  
Дзик быттӧ ыджыд кодзувкот.

Кузь додь ас бӧрсьыс сийӧ кыскӧ,  
Додьтырыс груз, да ещӧ йӧз.  
А номйыс, номйыс петӧм кыськӧ,  
Кӧть асьтӧ тшынас вылӧ ӧзт.

Тэ сьӧвзян вомсьыд, зиньгӧ пеляд,  
Кор колӧ, абу зэр ни тӧв!  
Но некод, кывзан да, оз элясь,  
Сидз, морт-мӧд мурӧстлас,— и чӧв.

Страналы колӧ нефть зэв уна,  
Страналы колӧ уна газ.  
И том йӧз корсьны найӧс мунӧ,  
И трактор уйӧ витӧд час.

Сьод нитш да ва, да урӧс пуяс...  
И доймӧ, доймӧ таысь син.  
Ме тайӧ стихсӧ гижи туйын,  
Эг помав, эг куж сетны ним.

## ТУЙ ВОЧЫСЬ

Пырис сійӧ мудз да скӧр.  
Чайтім, шуас ӧні:  
«Чӧрту ставыс! Муна бӧр!  
Начальникыс кӧні?»

Татшӧм кывъяс шулӧ стӧч,  
Пышйыны код синӧ.  
Эз нин ӧти тадзи вӧч  
Туй писькӧданінын.

Чайтім, петас, лэптас шум,  
Кадыс кӧть и вой нин.  
Но, а сылӧн петіс нюм:  
«Вайӧ мыйкӧ сёйны!»

Сёйис сійӧ, гашкӧ, час: /  
Эг ӧд этша вайӧ.  
А ми радлім: мортыс ас!  
Главнӧйыс ӧд тайӧ.

## БУРИТЧАНИНЫ

Водз асыв. Шонді петіс яр.  
Нёль дизель равостісны лёкысь.  
Но локтіс чикыль бõжа тар  
Да пуксис козйõ, вышка бокõ.

— Вот йõйыд!— серõктім сэк ми.  
Но пõрысь мастер шуис скõра:  
— А йõйясыс вот асьныд ті!  
Õд найõ койтлісны тан вõрас.

## СТЕН САЙЫН СЕРНИ

Нылыс шуис: «Тайос  
Төді кө, эг лок».

Зонмыс шуис: «Мыйон  
Тэныд тани лёк?»

Нылыс шуис: «Сёысь  
Висьтавлі нин тэд».

Зонмыс шуис: «Олышт,  
Велалыштан мед».

Нылыс шуис: «Кула  
Вөрас тани ме».

Зонмыс шуис: «Оз өд  
Гажтөм ло тан век».

Нылыс шуис: «Коркө,  
Гашкө, мый оз ло.

А ме өні көсья

Овнысө, и — всё!

Веськодь меным нефтьыд,  
Тырмас вердны ном!»

Зонмыс шуис: «Сідзкө,  
Миян костын пом?»

Али, гашкө, кольччан,  
Вежан ассъыд дум?»

Нылыс шуис: «Муна».

Зонмыс шуис: «Мун!»



Воркутаысь тōда öти мортōс.  
Некор на эз ветлы сийō гортас.  
Абу сьōмтōм — сьōмыд сылōн уна.  
Зептас паспорт — кытчō кōть мед мунас.  
Сийō ветлō Крымō и Кавказō.  
Сōмын гортас туйыс быттьō таса.  
Окота кōть, ньōтчыд на эз волы,  
Сиктса югыд сынōднас эз лолышт.  
Война каднас вōлōм полицейōн,  
Уна мортлы курыд шогсō вайōм.  
Таысь дас во пукавны нин эштис,  
Сōмын мыжсьыс кувтōдзыс оз вештысь.  
Кутшōм синмōн эськō сиктас пырас?  
Первой мортыс сетас эськō нырас!  
Вот и сэтōн петкōдчывны полō,  
Воркутаын сюзь моз öнi олō.



Сэтшөма тэ менө талун скөрмөдін,  
Быттьө водзвыв вөчин аслыд горт.  
Олөмыс оз тэнө сөмын йөрмөдлы,—  
Мыйла шуны, мый тэ ичөт морт?!

Тэ ичөт да ме ичөт... А кодкө мед  
Ыджыдалас помся: ме пө-й эм?  
Отсалас мөй тэнад гуся тоткөмыд,  
Кодыр колө панны чорыд вен?

А тэ венсьыс пөсь шыдысь моз пөлясян,  
Санөдлывлөм кычыысь на рам.  
Тэ кодьясыс сеталөны вөлясө  
Йөзсьыс вылө пуксьысьяслы тан.

Пырөма нин тэө повны, колөмыс:  
Лэптивны он лысьтлы вылө юр.  
Кодлы колө тэнад татшөм олөмыд?  
Кув и эм! И шойыд мед оз сюр!

## КЕРКА ВИДЗЫСЬ ПОНЛЫ

Ме ылын на, а тэ нин сувтан  
Да нюжмасьыштан, быттьö мудз,  
А сэсся нюркиöдлömön увтан,  
Мый, чептыд дженьыд да, он судз.  
Зэв пыдди пукта тэнсьыд мoгтö:  
Лёк мортысь видзны керкапом.  
Но ме кө бурөн сэтчö локта,  
Тэ верман гөгөрвоны он?



Кыдз колӧ кусӧдчигӧн тӑрмасьны,  
Сидз колӧ наяныдкӧд вермасьны.  
А ми и ланьтлывлам, и небзьывлам,  
И весиг ош моз вешъям-дзѣбсьывлам.  
А оштӧ векджык гусьыс кыйӧны:  
Сэсь вӧрзьӧдасны, сэсся лыйӧны.



Чурвидзё тысьём кер!  
Кодкё од пёрёдліс сійос,  
Кодлөнкё увійыліс чер,  
Гашкё, и гадзьёсьліс кыис?!

Орчён со чурвидзё мёд,  
Быттьёкё абу и колан.  
Ме ог тёд,  
Кодлы ми тадзё олам!



Егось, гудыр ойдом ю.  
А кор ямас, сөстөм лоо.  
Мыйла мортыд тадз оз ту,  
Тулысыс кор татчө воо?!  
3200

Эськө, лов пышкас мый эм  
Ковтөмторйис,— ставыс кышtas,  
Сэссия — кутась көть тэ эн —  
Сьорсьөн-бөрсьөн ставыс кывtas.

Выльөн чужомалысь мич  
Босьтас эськө, лоо сөстөм.  
Оз тай овлы сөмын сідз,  
Сюрс пөв сьökыд вежны йөзтө!



Быдмө тундраын гона юр —  
Еджыд юрсиа сөстөм дзоридз.  
Сыысь повтөмыд мөд оз сюр:  
Медводз писькөдчө саридз дорөдз.

Швичкө вой төв ли шливгө зэр,  
Некор юрсө оз лэдзлы улө.  
Арся пужйөн нин кынтөм эрд  
Зильө ловзьөдны... Сидзи-й кулө.

Сувтсөн, никмунтөг сетө лов,  
Сьөкыд олөмсө ассъыс ертөг.  
...Сы моз матө на ме ог ов,  
Көть и важөн нин пукся мортө.



Ме аддзылі, кыдзи бөрдіс коркө вөв:  
Дзик миян моз жө синва сылөн петіс.  
Эз ымзы сөмын, куйліс коньөр чөв.  
А чизыр төлыс бурьсьсө пыр летіс.

Эз вермы некыдз вөрзбөдны кер додь,  
И ямщикыс эз жалит сэки сійөс.  
И водіс, кувны лөсьбөдчөма кодь,  
Деянка шөрө: колөкө пө виөй.

О, морт! О, мыйда овлө тэнад лөк,  
Кор сөмын асьтө олөмас тэ төдан!  
...А меным век на овлө таьсь шог  
И век на вөвсө аддзывлывла вөтөн.



Лөсьыд жö нин шойччынытö Крымад:  
Мый дыра оз кымöртчыв ни гымав.  
Куйлан шоньд изъяс вылын, кылан,  
Быттö ставнас ньöжйöникöн сылан.  
Унмовсьöдö море сяльгöм шынас,  
Малалыштö коктö дэбыд гынас.  
Нинöм вöчан чöскыд мудзöн тыран,  
Дышöдас да — уялыштны пыран.  
Сэтшöм кокни — некытi оз доймы.  
Эн на тшыгъяв — корöны нин сёйны.  
Майбыр, олём! Ставсö коть сэн вунöd,  
Весиг — локтiн татчö кутшöм лунö.  
Но он, вөлём, мөвпъяссьыд тай дзевссы,  
Чужан сиктад öти здукөн лэбзян.  
Кымынөн сэн висьысь пöрысь аныс,  
Кодъяслы эз вичмыв олём шаньыс!  
Шогыс налы быттö лолi ныма.  
...Найöс эськö мөдöдлыны Крымад!

## МЫЙ И КУТО

То шливгö зэр, то пужъя-кын,—  
Оз мича гожöмыс и воы.  
А сэссия вой тöв ваяс лым  
Да кильчö помад пуктас тола.  
И бара помасьö нин во,  
И бара элясьöмсьыд пöтлан...  
Но мырдöн ыстöм кö оз ло,  
Оз кыскы лунвылад и вöтнад.  
Дай дзодзöг-юсьыс жальöсь тэд,  
Кор налы мунны татысь ковмас.  
Кöть эськö на бöрся жö пет:  
Од оз кут важ моз аслад овмöс.  
А мый и кутö, морт оз тöд,  
Оз сяммы öти кывйöн шуны.  
А, гашкö, сийöн ловным пöт,  
Мый тайö мян чужан муным?!



Меным мусаӧсь ю вылын гыяс,  
Джуджыд турунӧд писькӧдчысь шор,  
Парма весьтасын ыпъялысь кыа,  
Небыд лун тӧвкӧд окасьысь кор.  
Меным мусаӧсь гулыд веж ягъяс,  
Еджыд чышъянӧн павкнитчӧм вой,  
Муӧдз ӧшӧдчӧм сыръяса садъяс,  
Асья лысвалӧн тӧралысь войт.  
Меным мусаӧсь вадорса бияс,  
Рытъя енӧж, код пасьтала лӧз.  
Меным мусаӧсь гаддясӧм кияс,  
Ывла удж вылын гождъялӧм йӧз.

## ВӨР-ВА ПОНДА

Зэв пыдын мулөн кудъясыс,  
И выльӧс аддзӧм — бур!  
Но кӧсья мукӧд здукъясас,  
Мед нинӧм нин эз сюр.

Мед колис сэссия сэтшӧмӧн,  
Кыдз ӧні, миян му.  
Ӧд тшыкӧдім эг этша нин  
Ми сылысь вӧр и ю.

Да он ӧд сувтӧд олӧмсӧ,  
И колӧ нефть и газ.  
Мед, сідзкӧ, мортлысь волӧмсӧ  
Эз шогав ёль ни рас.

И коді босьтӧ дорысь на,  
Шайт кульны сӧмын чож,  
Мед тӧдіс: прокурорыс тан  
Ми ставӧн, абу ош.



О, мыйда мичыс вадор биад,  
Көть коді пестöма рытсёр!  
Од, он и төдлы, кыкнан киад  
Кос лөп нин кутан, локтан кор.

А сәсся нопсыд перъян-вөзъян,  
Мый эмыс,— он куш нянь да сов.  
И войбыд юасян, мый көсьян,  
И ачyd висьтасян, он пов.

## СТРАШНОЙ СУД

Енды ме ог эскы,  
Райо ме ог дасьтысь.  
Страшной судсо йозыс  
Вочасны мен асьныс.

Артыштасны сточа,  
Кыз ме нэмос оли,  
Лекон али бурон  
На дино ме воли.

Вермас лоны сидзи —  
(Думышта и падма)  
Отыштасны кинас:  
«Кули ко, и ладно!»

Родвуж кыздзи, некод  
Коллодны оз воны.  
Таысь страшной судыс  
Вермас омой лоны?

Сидзко, колло меным  
Сидзи нэмос овны,  
Лов петигон медым  
Ниномысь не повны.

## ТӨЖДЫСЬОМ

Оз пö тöждысьны ков сэки,  
Кынöмьд кор пöт.  
Онi пöттöдз сёя век ме,  
Сидзкö, шог ог тöд?

Сидзкö, шулывлöны кьдзи,  
Гөгөр менам бур?  
Вот и абу. Кынöм кьндзи,  
Сьöлөм эм дай юр.

Налы сьмындатор колö,  
Налөн — ьджьд мог.  
Налөн пöтлöмыс оз овлы,  
Думыштан — и шог.

## ГУДОК

Дыр эз ворсны. Куйліс сідзи.  
Выльысь паськөдісны кор,  
Тшыкөм шыөн вочавидзис,  
Лэдзис гөгөрвотөм гор.

Отчид-мөдысь лон тадзи,—  
Пасьйы көть, мед оз сюр жель.  
Но вот гудок, көть и надзён,  
Кутіс гажөдыштны пель.

Онi гудок бара ворсө,  
Бусөсь көлуй оз нин пык.  
Мелі шыяс зіля корсьө,  
Быд рыт уджалө. Оз тшык.

## ТОДТОМ ВӨРӨ...

Төдтөм вөрө ылалан, да шоғ,  
Пестертө көть пуө сәки сетан.  
Собалан, и оз нин кывзысь кок,  
Сэсся кызкө бара на вот петан.

И мый вошлін, регыд вунө бөр,  
Зэв нин шуан: нинөм тай эг ло-а.  
...Олөм сьөртыд мөдджык, абу вөр,  
Сөмын вошлы, кытчө сәки воан.

## КУРАТОВЛЫ

Менам ичӧт муза  
Абу жӧ ӧд вуза.  
Олӧмсӧ кыз кыла,  
Сидзикӧн и сыла.

И ог соссы: лӧпта,  
Омӧльторсӧ дзебтӧг.  
Олӧмыслӧн шоныд —  
Гижӧмысь мен доныс.



В. Юхнинӧс казътылӧм кузя.

Висис дыр. Но кодлыкӧ мӧй шулис,  
Сьӧкыд пӧ? Эз лыддыв тайӧс могӧн.  
Кыдзи олис, сідзикӧн и кулис:  
Пессян вежӧрӧн да дзебӧм шогӧн.

Варовитіс... Сьӧлӧмнас эз усьлы,  
Кӧть и тӧдіс: час нин сӧмын олысь.  
Бергӧдчыштіс сӧсся, быттьӧ узыны...  
И эг тӧдлӧй, корья петіс лолыс.

Морттӧ выльысь висьтӧс моз он йӧзӧд.  
Но и мед — эз ставсӧ ӧд ну сьӧрсьыс.  
Комияслы колис сійӧ лӧсас,  
Кыдзи корсьны бурсӧ олӧм-вӧрсьыс.

Өти өдөн небыдика тiпкө,  
 Лөня вөчө олөм кутан мог.  
 Но, а шог кө — морөспаньө дiпкө,  
 Торйөн сэк, кор мөдлы көнкө шог.

Сэк оз вермы овны сийө чөла,  
 Бурөдны он вермы, мый көть доль.  
 Менам сьөлөм, быттьө тувсов йөла,  
 Воча кывтөг нинөмтор оз коль.

## АС ЙЫЛЫСЬ

Эг кӧть сямтӧм чуж ни полысь,  
Ыджыд мортӧ эг и волы.  
А ӧд нырччи кӧ да зіли,  
Чайта, кыпти эськӧ збыльысь,  
Гашкӧ на, министрӧдз вои...  
А ме коми гижысь лои.  
И ог тӧд, кӧть тілься-ола,  
Мый дон сувті, зэв-ӧ колан.  
Отитор и ышӧдлывлӧ:  
Гашкӧ, коркӧ «аттьӧ» кывла.

## ИНАСЪТОМ ЛОВ

Нойтлісны и нимтывлісны менӧ,  
Ачым водзӧс петкӧдывлі пуж.  
Дасысь луннас волан вӧлі венӧ,  
Пузылан, но лӧгавны он куж.

Ертӧ кӧ тшӧтш босьтасны, сӧк

сывлан,—

Ичӧтыдлы оз на уна ков.

...Онӧ ошкӧм ёнджыкасӧ кывла,  
Эськӧ быттьӧ нимкодьясь да ов,  
Но оз инась гӧгӧрвотӧм лов.

Пищальӧс моз помся менӧ витӧ,  
Тойлӧ водзӧ, лолыштны оз сет.  
Сылы колӧ, ачымӧс мед видӧ,  
Мый нин вӧчи, эг на лыдды мед.



Янөдөй көть видөй, мый көть шуөй,  
Кольыштас на медым челядь руөй,  
Медся ылөг мойдыслы мед эски,  
Понлы моз мед гортын вөлі дзескыд,  
Унмовсьытөдз мед эг өшйыв инө,  
Ыштөм-босьтчөм мед эз падмөд нинөм,  
Мед эг өтнам көнкө лун-лун вошав,  
Медым кывйөй некодыр эз вожав,  
Мед эз бырав сэкся веськыдлунөй,  
Быдтор лысьті юавны и шуны,  
Көн мый вөчсьө, ме тшөтш медым вөлі  
И эг видзөд потшөс сайсянь чөла,  
Кулан здукөдз сьөлөмөй мед пуө,—  
Мед оз куслы югыд челядь руөй!



Коркө унатор менам эз артмыв,  
Весиг нырагез эг кужлы гартны.  
Но ме такөдлі ачымөс сәки:  
Мися, быдма да велала регыд;  
Мися, быдторсө кужны ме кута,  
Лоа ошкан, а, сідзкө, и шуда.

Со нин ветлөдла дзормыштөм юра.  
И ог весь ов. А сьөлөм эз бурась.  
Оз на артмы — көть элясь, көть норась —  
Весиг унджыктор коркөя дорысь.  
Вөчантөйид тай век, вөлөм, содө,—  
Өвсян, буракө, кувны кор водан.

## ВЫЛЬ УДЖ ВОДЗЫН

Гуга жельсӧ, чеччан да, он бергӧд,  
Асывсяньныс босьтас сэтшӧм ру.  
Оз тай морыс татшӧм здукас чергӧд,  
Эськӧ паныд кыв ни джын он шу.

Ачyd аслыд шогмытӧм да мустӧм,  
«Мый и олан?»— висьтавны он куж.  
Лыа чук моз волись мӧвпыд буздӧ,  
Ки и кокыд, сьӧлӧмыд тшӧтш руш.

Куньтырасян, узьсьӧ нисьӧ овсьӧ,  
Ставыс веськодь, мый лоаныс ло.  
Сэки-й кылан, быттьӧкӧ бӧр ловзян,  
Кокньыдджык и долыдджык нин со.

Вешӧ-бырӧ падъялӧм да полӧм,  
Оддзӧ вирыд, жуйвидзны оз сет.  
Гашкӧ, тадзи мортыдлы и колӧ,  
Выль удж водзын выльысь чужин мед?

## КЫМЫН ВОДЗО

Вөлі коркө биа-өдъя,  
Кадсө тәрмөдлі, кыз тун.  
Кымын водзө, сымын өдйө  
Кутіс кольны вой и лун.

Эг на ылав, эг на воймы,  
Кадъя нюрө эг на вөй.  
Кымын водзө, сымын доймысь  
Лои сөмын сьөлөмөй.

Ыджыд мөвпыс юрын сө на,  
Ог на вод да нюжөд кыс.  
Кымын водзө, сымын дона  
Сувтө, вөлөм, олөмыс.



Төдөмысь, эг век ов (шуам, том кадö)  
Колана ног.  
Мед, сідзкө, веськала кытчөкө адö...  
Мөдторйысь шог!

Ёнасö ачымös эг на ме ворсöd,  
Тривкъяв, кыз коч.  
Пыр на жö тильси. Но ыджыдджыкторсö  
Нинöm эг вöч.

Олöмыс тэрмасьö, тулысын кызди  
Пармаса ёль.  
Кула да, му вылас, челядьöй кызди,  
Нем мöй ог коль?



Быдөн мортыд аслас руа,  
Весиг кык өткодъ оз чуж.  
Отилы тэ мый көть шу-а,  
Мөдлы кывтө шуны куж.

Коймөд нэмсө кисьтө-вөчө:  
Сылы мыйкө век не сідз.  
Нельөд, быттьөкө кос сөчөн,  
Нюмтө-серамтө оз видз.

Витөд кага кодъ на эскысь,  
Квайтөд тешитчыны лют.  
Сизимөдлы гортас дзескыд,  
Кыскө туйө — и он кут.

Оти кывйөн, вид көть зуав,  
Кутшөм мортыд — мөд оз пет.  
Мед нө быдөн аслас руа,  
Сөмын мортөн вөлі мед!

## ПРАЗДНИК ЛУНО

Томыс и верстьоыс, некод оз элясь,  
Гындоны-йоктоны, быттьокө челядь.  
Содтыны позьо, мый видзодны-с мисьтөм,  
Шуны, мый ставныслөн йой ру сэн письтөм.  
Сөмын ме ачым тшөтш доvkьяла-вөра,  
Петала дорас и пырала шөрас.

...Аскинас садьман, да быдлаті доймө.  
Сөмын он яндысь. Од төлысь-мөд-коймөд  
Он сэсся ышмыв, сідз сирасьлан уджө,  
Вунөдлан весигтө, шойччөмыс кутшөм.  
...Мед сідзкө, некод тан синсө оз арышт,  
Мед, инө, гындоны-швучкөны тарыт.

## АС КЕЖЫН МОВПАВЛОМ

Ме ог падъяв, кор войтырсö дзоньнас  
Кута юрын. Мед падъявны, сідзкö,  
Ена войтырсö мустöмтны колö.  
А ме радейта. Кыдз нö он радейт  
Татшöм войтырсö, ас вылас кодi  
Сымда нуис и öнi на нуö,  
Медым олöмсö вайöдны сэтчö,  
Кытчö вөрзим Дас сизимöд воын!  
Но ог вермы и сьölöм оз лэпты  
Пыдди пуктыны ставсö, код орччөн.

Оти мортöс ме зэв бура тöда.  
Коркö öтлаын уджавлiм ськöд.  
И ме сэки на веськыда шулi,  
Мися, жаляддза, муртсаник сямьд.  
И эг öтнам ме тадзисö думайт: /  
Кывтöг-сёрнитöг некод оз овлы.  
Да и ачыс нин казялiс сийö,  
Мый не быдмыны удж помсьыс сылы,  
Оз кö быдлаö ныръясьны понды.

Лунысь-лун кутiс яй кывсö песны,  
Соборуйтас кöть асывсянь рытöдз...

Тадзи вочасѡн вомнас и босьтїс,  
Кутїс кыпавны водзѡ да водзѡ...  
А мый сямлуныс чотасьѡм вѡв кодъ,  
Кыдзкѡ веськодя сѣсся и мунїс.  
Онї мянѡс велѡдлѡ яра  
Вѡчны сїйѡс, мый аслас эз артмыв.

Эськѡ мед, сылысь ог на зѣв кывзѡй.  
Шогыс сыын, мый, быттьѡкѡ стѡрѡж,  
Быд выль мѡвп сїйѡ тойлалѡ-вѡтлѡ,  
Мед оз мыжмы, друг не сїдз кѡ лѡѡ.  
Сѣр-ѡ-водз ли ми мынтѡдчам сыысь.  
Но ме пола, мый бара на кодкѡ  
Вермас сѣтшѡмыд — стѡрѡжыд лоны.  
Мый ме кѡсья? А со мый ме кѡсья:  
Тшѡтш и артыштны, сюсь абу мортыс.

Татшѡм мѡвпыс, дерт, абу нин выльтор.  
Но ми, тѡд вылын тайѡс кѡть кутам,  
Огѡ-огѡ дай вунѡдлам быттьѡ;  
Пуктам бур туйѡ тѡдсаѡс менсьым.  
Збыль ѡд, кыз ѡнї сы дїнѡ пондан,  
Он кѡ веськыда сямтѡмѡн мыжав?  
Ковмас виччысьны юсьѡм ли мыйкѡ...  
Шуам, гѡтырсьыс вывтї на ветлѡм.

Но и татшѡмтор бѡрас на, пола,  
Сїйѡс пуктасны кытчѡкѡ бара.  
Морт пѡ эскана, шуасны весїг,  
Лїбѡ — нинѡм пѡ шыблассьны йѡзѡн.  
Сїдзкѡ, чорыдѡн колѡ и лоны,  
Медым нинѡм эз мянѡс конъяв.  
Сїдзкѡ, нинѡмла лѣптыны найѡс,  
Кодьяс сымда жѡ вайѡны бурсѡ,  
Кыздзи из, кодї курдѡдѡ пывсян!



Вл. Поповы

Эн дözмы сэсь, мый венö волам  
Да öта-мöдлы вöчлам дой.  
Ми, сідзкö, збыльысь олöм олам,  
А огö сөйö лун да вой.



Му вылын уна олõ морт.  
И дзик пõ быдõнлõн эм орт.  
Он аддзы пõ, но вой и лун  
Пыр орччõн, некытчõ оз мун.  
Мед тадзи. Менам тшõтш мед эм.  
Но бурсõ эз на вõчлы мем.  
И веськодь, эм-õ менам орт.  
А кодì колõ?  
Колõ ёрт!

## КЫВБУРА МОВПЪЯС



Медся кокни мортлы чужан муас:  
Век нин гортас, мый коть сійос суас.  
Но и медся сьокыд чужанінас:  
Ставсө колө босьтны сьолөм дінас.



Шондіа луныс ни төлыся войыс  
Оз тэнө мездыны шогысь ни дойысь.  
Шогтө да дойтө он ывланад веськөд,—  
Асьныс мед вөліны югыдось эськө.

## КОЗ

И вой төв куснявлө,  
И көдзыд кынтывлө,  
И мөд пу дзескөдө,  
А быдмө веськыда.

## КӨСЙӨМ

Дзик быдөн көсйө мыйкө век.  
И менам көсйөмөй зэв уна.  
Но ставсьыс медводз көсья ме,  
Мед некод ме пыдди эз думайт.

## ЕН ЙЫЛЫСЬ

Эм эскысь йӧз. И налы колӧ,  
Мед вӧлі ен. Мед колӧ-к сідз.  
Мед мӧдар югыдас сэн олӧ:  
Но медым татӧн — енмӧй видз!



Сэк ӧткодь мортлӧн вӧт и вемӧс,  
Сэк асьсӧ нинӧмысь оз ёр,  
Кор сійӧ абу кывтӧм пемӧс  
И мыжтӧг абу мыжа кор.



Вывті сьӧкыд овны веськыда:  
Сӧмын асьтӧ быд ног дзескӧдан.  
Но ог куж ме ньӧти суклясьны  
И оз лэпты сьӧлӧм нюглясьны.  
Аслым мукӧд дырйи шула ме:  
Эськӧ мортӧн жӧ мед кула ме.



Шогла кор сьӧлӧмтӧ вугрӧдлӧ,  
Вермась, зэвт медбӧрья вын.  
Сетчан кӧ, олӧмыс пугрӧдлас,  
Тӧв кызди пугрӧдлӧ тшын.



Быдӧнӧс дзик шудыд сулӧ,  
Но оз быдӧн сы дон сулав,

Вӧчны-ыштыны кор колӧ,  
Мукӧдыс сӧк ланьтӧ-полӧ.  
Сӧссия нӧмсӧ тадзи олӧ.



Олӧмыд — олӧм на! Сӧтӧн эм  
Уджлӧн кодъ панас и пом:  
Чужан да — ним тӧныд сетӧны,  
Кулан да — дон.



Асьтӧ «гашкӧӧн» эн такӧд:  
Мӧвпыд вермасьтӧг оз ин.  
Медым воны гулыд ягӧ,  
Ковлӧ вуджны кадьяин.



И гаг оз шедӧдчывлы. Сидз ӧд?  
Од тшӧтш и сылӧн дона юр.  
Но кодыр морт куш асьсӧ видзӧ,  
То мыйӧн гагсьыс сийӧ бур?



Ме пӧ медбур видзанторйис,—  
Асьсӧ кӧза яра дорйис.—  
Ме пӧ тошка, ме пӧ сюра,  
Но, а йӧлыд ньӧбны сюрас.

## ВОЙ ТӨВ

**Вой төв!**

Бара петөма вой төв,  
Швичкө, дугдөм оз төд.  
Отнас ывлаын койтө,  
Гашкө, вежон оз пөт.  
Чужан муөй тэ менам,  
Мустөм кодлыкө овлан,  
Тэнө пышйнгас пинявны дась.  
А ме татөні вужъя,  
Чөскыд няньла да совла  
Нинөм вылө ме ог вөрзъы тась.

**Вой төв!**

Лымсө гартө да суктө,  
Гөгөр толаөн тыр.  
Он төд, рөмдө ли югдө,—  
Бытьтө му вежандыр.  
Медым ывлаыс гудыр,—  
Көка войяса тулыс  
Коркө таланьө вотөг оз ов.  
Тайө му вылас олысь,  
Тані лоа и кулысь,  
Чөскыд няньыс ни содыс оз ков.

Вой төв!

Тайкө нөбөдас ылө,

Лымсө вылысад — гузь.

Шогөс сьөлөмыд кылө,

Но оз сетчы, оз усь.

Абу некодлы ковтөм,

Олан-уджалан йөзкөд,

Налы дона жө пөльяслөн му.

Няньыс, солыс и ваыс

Гортад медся на чөскыд,—

Сэссия коді көть мый көть оз шу!

## ШЫ НИ ТӨВ

**Шы ни төв.**

И война вылын овлө шы ни төв,  
Оз некөн шыав, вöрыс-ваыс узьö...

И волан гортад сэки уна пöв,  
Кöть он тöд, нэмыд дженьыд-ö, кузь-ö.

**Шы ни төв.**

И война вылын овлө шы ни төв.  
Кыт сьöд, а кыті гөрдөдöма тола...

И шапкатöгыд сулалан тэ чöв,  
А медбур другыд тэнад оз нин лолав.

**Шы ни төв.**

И война вылын овлө шы ни төв,  
Кор быдса взводсьыд колян сöмын нельöн...

И быдöнлөн сэк юрас öти мöвп:  
Код ловйöн кольö, ставыс пыдди кольö.

**Шы ни төв.**

И война вылын овлө шы ни төв.  
Лöнь гожся рыт, став ловъя ловыс олö...

А тэнад локтö сöмын кызьöд төв,  
И регыд бара биö пырны колö.

**Шы ни төв.**

Мед недыр на кöть лоö шы ни төв.



«Дона пуой, льом пуой,  
Овнытö он куж:  
Дзордзалигад лымъялас  
Лиbö кынтас пуж.

Дзугыльтчöмыд, сулалан,  
Быттö коньöр ныв.  
Он мой ывла лёкмöмсö  
Небыд корнад кыв?»

«Кыла эськö кöдзыдтö,  
Вужийöй-вожийöй сё.  
Но век медводз дзордзала:  
Мый лоаныс ло.

Абу öд ме кытыськö  
Татчö вайöм пу.  
Юрийыв кодзув улыс  
Менам чужан му.

Медым меным мөрччывлö,  
Медым овлö шог,—  
Код нö таті гажöдас,  
Ме кö сэссия ог?!»

## АТТӨ, НЫВЪЯС

Аттө, нывъяс,  
Коми нывъяс,—  
Ворсө вом дораным нюм.  
Шпыннйланнуд,  
Вашъяланнуд,—  
Он төд, кутшөм тиян дум.

Аттө, нывъяс,  
Мича нывъяс,—  
Синтө куньөмөн көть мун.  
Висер вожын,  
Сыктыв вожын,—  
Кодөс аддзылан, оз вун.

Аттө, нывъяс,  
Авъя нывъяс,—  
Гашкө, тиянлы и теш?  
Помөсдинын,  
Кулөмдинын  
Менсьым петкөдланнуд веж.

Аттö, ныввяс,  
Майбыр ныввяс,—  
Быттö пуктöмыдöсь мог:  
Мозын дорын,  
Изьва дорын  
Бара тiянысь и шог.

Аттö, ныввяс,  
Шуда ныввяс,—  
Мед оз петав синва войт.  
Олöй-вылöй  
Бурсö кылöй,  
Нöшта кылöй сьölöм дой.

## МУСЛУҢ

Дивъя радейтнытö сәки,  
Кодыр тöдсаөсь на регыд,  
Кодыр кыкөнөсь на сөмын.  
Ставыс сәки зарни рөмын,  
Шудыд — пөттөдз окасьюмын.

Вот кор кага-бөрдысь лөб,  
Мукөд төждыс лыдмас сөөдз,  
Кодыр дөнзьөм кутас йирны,  
Шудыд вый моз кутас чирны,—  
Сәки лөсялас мед вирныд.

Сәки муслуныд и колө,  
Сәки муслуныд и волө.  
Нэмыд кежлө нин сэк локтө,  
Вөтлө кокни оласногтө.  
Оз ков песны сөмын лөктө.

## ТУЙЫН СЫЛОМ

Медым зэрö, медым шляка,  
Медым паныд швичкö төв.  
Эз на сьөлöмыд кö такав,  
Эн лысьт пуксьыны тэ чөв.  
Сылөн шудыс медся кузь,  
Коді сьөлöмнас оз усь!

Медым сьökыд, медым шуштöм,  
Медым мөвпыд эз на ин.  
Асьтö ышöдны сэк куж тэ,  
Быттьö сэтчö воан нин.  
Сылөн шудыс медся кузь,  
Коді сьөлöмнас оз усь!

Медым пөвтöм, медым лотнад,  
Медым тюрö синва моль.  
Эскы вемöсөн и вöтнад —  
Ыджыд муслунтöг он коль.  
Сылөн шудыс медся кузь,  
Коді сьөлöмнас оз усь!

Ичӧтик да косіник,  
 Чукырӧсь да дзор.  
 Шоныдінас, косінас  
 Уджавлін тә кор?!  
 Гӧрлін тә да ытшкылін,  
 Бертлін сывъя пу.  
 Тӧдлін кочӧг бытшкылӧм,—  
 Мудзтӧ он нин шу!

Ок мыйта,  
 Мыйта сьӧкыдсӧ пыкин да венін!  
 Но эн измы — век мелі да шань.  
 Вай жӧ енлы моз копыртчам тәныд,  
 Коми ань.

Война вылысь верӧсыд  
 Юрсӧ бӧр эз вай.  
 Сэки, тэрыб вӧраса,  
 Вӧчин кыклысь пай.  
 Пӧдтін гусьӧн дойястӧ,  
 Сьӧлӧмнад эн усь.  
 А ӧд мустӧм войясыд —  
 Быдӧн сэтшӧм кузь!

Ок мыйта,  
Мыйта курыдсö пыкин да венін!  
Но эн измы — век мелі да шань.  
Вай жö енлы моз копыртчам тэныд,  
Коми ань.

Колин посни челядьöн,—  
Пасьтöд найöс, верд.  
Но эн некор элясьлы,  
Видлывлін көть, дерт.  
Абу вывсьыд сымынöс  
Велöдін тэ со.  
Коді лыддяс, кымынöс  
Пуктін налы ноп!

Ок мыйта,  
Мыйта тшыгöмсö пыкин да венін!  
Но эн измы — век мелі да шань.  
Вай жö енлы моз копыртчам тэныд,  
Коми ань.

Воясыд оз косавны,  
Чукырсьыд он мын.  
Ичöтик да косіник,—  
Кутшöм тэнад вын!  
Миян олөм сулалас  
Уна-уна нэм,  
Лöза-вежа му вылас  
Тэ кодьыс кор эм!

Ок мыйта,  
Мыйта шогсö тэ пыкин да венін!  
Но эн измы — век мелі да шань.  
Вай жö енлы моз копыртчам тэныд,  
Коми ань.

## ПОМНИТА, КЫДЗ ШКОЛАО

Помнита, кыдз школао  
Медбөръяысь волім ми,  
Кыдзи сьылім-ветлөдлім,  
Пырим асьяыв.  
Көні өні олан тэ,  
Ошиньдорса партаысь  
Гөгрөсіник чужома,  
Көсяяса ныв?

Книга сайын отлаын  
Сөрөдз тэкөд пукавлім,  
Вөлі гортө мунігөн  
Пемыд ывла ыв.  
Кутшөма нин овсьө тэн,  
Ошиньдорса партаысь  
Гөгрөсіник чужома,  
Көсяяса ныв?

Субөтао школаын  
Гудөк улө йөктылім,  
Пельпом ывлө небыда  
Пуктывлін тэ сыв.  
Кодкөд өні лөсялан,

Ошиньдорса партаысь  
Гӧгрӧсіник чужӧма,  
Кӧсаяса ныв?

Гашкӧ, тӧкӧд некор нин  
Огӧ паныдасьлӧй ми,  
Гашкӧ, некор огӧ нин  
Сьывлӧй сьыланкыв.  
Но ме тӧнӧ помнита,  
Ошиньдорса партаысь  
Гӧгрӧсіник чужӧма,  
Кӧсаяса ныв!

Пӧрысь Урал дорӧ ми  
 Тайӧ рыт пестимӧ би.  
 Шондыс сунӧма,  
 Ун локтӧм вунӧма.  
 Менам тшӧтш сьӧлӧмын би.

Долыд, кор матын эм морт,  
 Кодкӧд тэн быдлаын горт.  
 Мортыс кӧ шогмана,  
 Ставыс сӧк могмана.  
 Долыд, кор матын эм ёрт.

Гуг сылысь тӧдан и бан,  
 Коді медмусаыс тан.  
 Сьӧлӧмыд эскӧдас,  
 Вежӧрыд веськӧдас,—  
 Коді медмусаыс тан.

Югыд сӧк мортыдлӧн нэм,  
 Кор сійӧс радейтысь эм.  
 Олӧмыс-вылӧмыс,  
 Ӧта-мӧд кылӧмыс,—  
 Шудлуныд тайӧ и эм.

## СЬОЛОМ ДА СЬОЛОМ

Сьӧлӧм да сьӧлӧм  
Ветлӧны пӧлӧн,  
Нинӧм на налы оз ков.  
Сэсся тай кыськӧ  
Чужӧ бур кыскӧм,—  
Отыс мӧдтӧг оз ов.  
Сьӧлӧмӧс сьӧлӧм  
Биа-пӧсь тӧлӧн  
Ӧзйӧдӧ югыда сэк.  
Торйӧд кӧть вӧтлы,—  
Отыс мӧдлы  
Лоасны инаӧсь век.  
Сьӧлӧмкӧд сьӧлӧм  
Оз тӧдны ӧлӧм,  
Биыс ни ваыс оз кут.  
Муслун оз ваймы,—  
Медтыкӧ вайны  
Отыс мӧдыслы шуд.  
Сьӧлӧмлы сьӧлӧм  
Бытьӧкӧ йӧла,  
Шыалӧ тулыс и ар.  
Веськыда олӧм  
Сӧмын и колӧ,—  
Гознад и шондӧыс яр.

## ПЫЗАНСАЙСА СЫЛАНКЫВ

Би пыр нин мунӧма,  
Сё ва нин вуджӧма,  
Ас киӧн вӧчӧма вӧт.  
Кужам и збоявны,  
Кужам и уджавны,  
Кужам и сывны бур пӧт.  
Сідзкӧ, вай горӧдам,  
Чӧв-лӧньсӧ орӧдам,  
Ывлаыс чунавлас мед.  
Нинӧмысь повнысӧ,  
Му вылас овнысӧ  
Миянлы — меным и тэд.  
Кытӧн кӧть лоан тэ,  
Йӧзын ли, гортад ли,—  
Кут асьтӧ веськыда век.  
Колана дырйиыд  
Уджалысь мортыды  
Юнытӧ абу жӧ грек.  
Сідзкӧ, вай лыбӧдам,  
Чукъяӧн кыпӧдам,  
Некор мед шудным оз ям.  
Бара на кисьталам,  
Бурсиӧм висьталам,—  
Тырмас и вина, и сям!

## ТЭА-МЕА

Тэа-меа, тэа-меа,  
Тэа-меа томось на.  
Тэа-меа, тэа-меа  
Мичаось да ёнось на.

Тэа-меа, тэа-меа,  
Тэа-меа лөсялам.  
Тэа-меа, тэа-меа  
Кора доддын төвзылам.

Тэа-меа, тэа-меа,  
Тэа-меа гөтрасям.  
Тэа-меа, тэа-меа  
Джаг гөрөдөн көртасям.

Тэа-меа, тэа-меа  
Радейтөмсьыс пөтлам-ө?  
Мед жө коркө тэнө-менө  
Дзэбасны тшөтш өтлаө!

Тайö кадыс öмöй вунас,  
Коді медся-медся яр?  
Абу этша, абу уна —  
Буретш дас көкъямыс ар.

Кызди быдми да кыз ола,  
Висьталасны сиктса йöз.  
Отиторйысь сöмын пола:  
Ог мед уськөд ачымös.

Овны восьсөн ме ог дугды,  
Лоа веськыдөн — и пом.  
Мортös улөджык ог пукты,  
Но и аслым төда дон.

Муслунысь тшöтш шудыд петö,  
Кызди вöрысь визув ёль.  
Коді сьölөмсö мен сетас,—  
Ог жö водзöсаён коль.

## ВИСЬТАВ, СЬӨЛӨМӨЙ

Кывтö тöлысь кымөр пöлөнөд,  
Кышакылö пулөн кор.  
Мый нö тэкөд лои, сьөлөмөй?  
Мыйла талун сэтшөм нор?

Некор синва эг на кисьтлы ме,  
Бурөс вöтасьлі быд вой.  
Эн-ө, сьөлөмөй, тэ висьмы нин?  
Мыйла кылышта ме дой?

Оз на шудöй менам чусаммы:  
Морөс тырөн ветлө лов.  
Эз-ө кодкө тэныд мусаммы?  
Висьтав, сьөлөмөй, эн пов!

## НЭМТӨ РАДЕЙТНЫ ЗЭВ СЬӨКЫД

Нэмтө радейтны зэв сьөкыд,  
Сё пөв сьөкыд, он кё куж.  
Колө видзчысьны, мед лөгыд  
Нинём абуысь оз чуж.

Ёртө пунктөм, воча шоныд  
Гозья костад колө пыр.  
Зэв өд регыд зыкад воны,  
Выльысь бурасьнытө дыр.

Шудтө эмбур моз он дасьты,  
Шудыд водзёса быд лун.  
Оз ков төдны сөмын асьтө,  
Лёкнад он жө ылөдз мун.

Олём визыд абу ордым,  
Кытөн пас вылө нин пас.  
Регыдикөн мусмө мортыд,  
Дыр кад бөрын лоё ас.

## МИЧА ИЖЕМКА

Көдзыд войвылын  
Көръяс войлөны.  
Лымйыс гожомөдз  
Сэн оз сыв.  
Көдзыд войвылын  
Сьөлөм доймылө.  
Таысь мыжаыс  
Оти ныв.

Мича ижемка,  
Эн вөв мыжа кө,  
Лысьті шуны мөй  
Татшөмтор?  
Мича ижемка,  
Эн вөв мыжа кө,  
Эськө вөлі мөй  
Татшөм нор?

Тэнад синъясысь  
Зарни киньясыс  
Менсьым сотісны  
Сьөлөм шөр.  
Тэнад синъясысь

Зарни киньясыс  
Менö кыскöны  
Татчö бөр.

Мича ижемка,  
Эськö гижас кö  
Тэныд кысянькö  
Оти зон,—  
Мича ижемка,  
Эськö гижас кö,  
Сылы вочакыв  
Сетан он?

Шогö усьлытöм,  
Биа-куслытöм,—  
Тэкöд вунöдлан  
Ар и тöv.  
Шогö усьлытöм,  
Биа-куслытöм,—  
Меным татшöм и  
Колö пöv.

Мича ижемка,  
Эськö йиджас кö  
Тэныд муслунöй,—  
Лоö бур;  
Мича ижемка,  
Эськö йиджас кö,—  
Меысь шудаыс  
Сэк оз сюр!

## КӨР ВИДЗЫСЬЛӨН СЫЛАНКЫВ

Еджыд лым,  
Еджыд лым  
Шебралөма мусö.  
Сьөлөм пым,  
Сьөлөм пым:  
Мусаёйлы муса.

Войöd сэтчö, тэрыб көр,  
Шондiыс көн петö.  
Асья кыа — сьөлөмшөр  
Олö менам сэтөн.

Мылык да сён,  
Мылык да сён,  
Паськыд ласта волö.  
Абу зон,  
Абу зон,  
Одйöысь код полö.

Войöd сэтчö, тэрыб көр,  
Мусюрыс көн петö.  
Югыд лунöй — сьөлөмшөр  
Олö менам сэтөн.

Байдөг, лэб,  
Байдөг, лэб,  
Олөмыд кө дона.  
Талун ме,  
Талун ме  
Тәрмәся зэв ёна.

Войөд сэтчө, тэрыб көр,  
Чумысь тшын көн петө.  
Рытя кыа — сьөлөмшөр  
Олө менам сэтөн.

## ЫВЛА ВЫЛЫН ТУРӨБ

Ывла вылын турөб  
Лымйөн бара дурө,  
Ывла вылыс быттьө гудыр ва.  
Сөмын меным долыд,  
Ыджыда ог лолышт,  
Сы вöсна мый гижин: «Радейта».  
Сьöd вөр шöрас тани  
Стройка выльöс паним,  
Онi некор волены ог мын.  
Чайта, гөгөрвоан,  
Инаон мен лоан,  
Тэ динö öд абу жö ме кын.  
Онисянь кö ладмам,  
Мöдысь огö падмöй,  
Олöмыслысь вуджам яг и нюр.  
Весьшөрö тэ полан,  
Сьöлöмын тэ олан,  
Тэнö сэтысь вöтлысьыс оз сюр.  
Ывла вылын турөб  
Лымйөн бара дурө,  
Ывла вылыс быттьө гудыр ва.  
Сөмын меным долыд,  
Ыджыда ог лолышт,  
Сы вöсна мый гижин: «Радейта».

## МАМОЛЫ СЬЫЛОМ

Быдтін менō, велōдін,  
Мортō медым вои.  
Эг и тōдлы — чукырōсь  
Чужōмбаныд лои.

Ачым нин ме быдтыся,  
Асшōр олōм ола.  
Тэныд быттьō ичōт на,  
Ме вōсна век полан.

Енэжын со ōти эм,  
Менам тэ — мōд шондi.  
Аслад ōдъя сьōлōмнад  
Пыр на менō шонтiн.

Нинōм менсьым муслунōс  
Тэ дiнō оз ямōд.  
Эн на висьмы, дыр на ов,  
Менам пōрысь мамō!

## БИА КЕРКА

Локта веськыда, ог бергав,  
Долыдпырысь овта ки.  
Чужан сиктын эм на керка,  
Кытөн тыдало на би.  
Долыда овсьо на мем,  
Му вылас мамо на эм.  
Медся на ёнаыс  
Мусаыс, донаыс,—  
Му вылас мамо на эм!

Олом туйыд уна сяма:  
Пемыд эм и югыд вож.  
Синмос восьтис меным мамо,  
Медым оломас эг вош.  
Югыда овсьо на мем,  
Му вылас мамо на эм...

Эськө важон ачым ола,  
Мамо дино суло мог.  
Сьолөм шонтыны ме вола,  
Сыкөд пальодыштны шог.  
Шоныда овсьо на мем,  
Му вылас мамо на эм...

Со и гортйй. Лолйй тырö.  
Мамö понда босьтö нор.  
Оз кö ло нö, кытчö пыра,  
Тадз жö рытын локта кор?  
Лöсьыда овсьö на мем,

Му вылас мамö на эм,  
Медся на ёнаыс  
Мусаыс, донаыс,—  
Му вылас мамö на эм!

## КОДИ ÖНI ТЫРТÖ ВИТÖД ДАС

Коді öнi тыртö витöд дас,  
Волхов сайысь тöдö нюр и рас.  
Локтiс сэтчö гожся войö,  
Томиникöн петiс бойö,—  
Коді öнi тыртö витöд дас.

Коді öнi тыртö витöд дас,  
Сьölöм весьтас новлö пуля пас.  
Волiс смертыс кöть зэв матö,  
Эз лэдз врагöс Ленинградö,—  
Коді öнi тыртö витöд дас.

Коді öнi тыртö витöд дас,  
Талялiс фашизмлысь ёрöм тас.  
Пырис вермысьöн Берлинö,  
Сöмын сэки воис инö,—  
Коді öнi тыртö витöд дас.

Коді öнi тыртö витöд дас,  
Муыввса став войтырыслы ас.  
Ывла уджсьыс мугов рöма,  
Сöмын юрыс пужьялöма,—  
Коді öнi тыртö витöд дас.

## ВЕНГРИЯҢЫН ТЫ ЭМ

Венгрияҗын ты эм,  
Нимыс — Балатон.  
Берег дорас сәни  
Узьӧ коми зон.

Узьӧ чорыд унмӧн  
Оз нин ӧти во.  
Ыджыд война вылысь  
Гортас бӧр эз во.

Виччысисны сийӧс  
Мамыс да том ныв.  
Воис сӧмын гижӧд,  
Ставыс — сизим кыв.

Сетис сийӧ ловсӧ,  
Томӧн пунктис юр,  
Му шар вылын олӧм  
Медым вӧли бур.

Венгрияҗын ты эм,  
Нимыс — Балатон.  
Берег дорас сәни  
Узьӧ коми зон.

## ТУНДРАСА СЫЛАНКЫВ

Мый нө, ныланой, мекөд он сёрнит?  
Мый нө, ныланой, меысь бергөдчан?  
Али, көр видзиг, пола көдзыдысь?—  
Юрси гыёра, ветла куш юра.  
Али войлысьны йёз моз ог сяммы?—  
Сувта нарт вылө, суа көинөс.  
Али гөлөсөй менам чирөма?—  
Кута сьывны кө, тундра кывзысьё.  
Лоа, нылөй, век тэкөд отлаын,  
Мунан — войвылыс корсьны отсалас.  
Юяс индасны, кытысь ва юан,  
Вой төв шөпнитас, көні сьывлывлан.  
Көр мен петкөдлас, кутшөм көм новлан,  
Кынь мен петкөдлас, кутшөм пась новлан.  
Байдөг висьталас, кызди сералан,  
Сьөдбөж висьталас, кутшөм синьясыд.  
А кор войвывным мян пөртмасьё,  
Биа рөмпөштан восьтас чужөмтө.  
Лоа, нылөй, век тэкөд отлаын,  
Мунан — войвылыс корсьны отсалас.

## ПЕЧОРА ЙЫЛЫСЬ СЫЛАНКЫВ

Руд дзормём Уралсянь, кён гуляйтё ру,  
Вой-саридзлань муткыльтё-визувтё ю...  
И шуштёмось берегъяс, шогёдысь сер:  
Тіль козьяса парма да мылькъяса эрд.  
Ой, паськыд Печора, важ гыяса от!  
Ой, сьёкыда олёмсё кыскис тан морт!  
Век скөралё войвыв, век важмозыс яр,  
Но зырё нин пармаос кыпёдчысь кар,  
И кыакөд вензьё Печоралён мич,  
Кор веркёсыс чукёртас берегысь би.  
Ой, паськыд Печора, веж гыяса от!  
Ой, тышён тан мездлунсё шедёдис морт!  
Крут кыръясас уна зэв киссис сёдз вир,  
Зэв уналы, шуд перйиг, вичмис сьёд йир,  
Но некор, дзик некор оз вунёдлы му  
Да висьтавыны кутас, тан кымын эм гу.  
Ой, паськыд Печора, важ гыяса от!  
Ой, сөстём, збой сьёлёма олё тан морт!  
Яр дзирдалё шондйис, енэжыс лёз,  
Кузь туруна кёдждъясын пуктысьё йёз,  
И лым еджыд чериён кыскёны тыв,  
И юралё ю кузя чож сыланкыв.  
Ой, паськыд Печора, веж гыяса от!  
Ой, мичаос сыланкыв сьылё тан морт!

## МӨДЛАПӨЛЫН ГУДӨК КЫЛО

Мөдлапөлын гудөк кылө,  
Ливкнитлас да ланьтлас сутш.  
А ме кывза керөс йылын:  
«Оз-ө миянө нин вудж?»  
Сөмын гудөк берег дорө  
Лэччылас да косас бөр,  
Быттьөкөнөсь ачыс корө,  
Быттьө, ог локтөй да, скөр.  
Коді бара сәні ворсө,  
Өтнас пальөдө бур ун?  
Мый сән берег дорсьыс корсьө,  
Мыйла вөлөсьтас оз мун?  
Асья вылөдз гудөк кылө,  
Ливкнитлас да ланьтлас сутш.  
А ме кывза керөс йылын:  
«Оз-ө миян сиктө вудж?»

Көдзимө кор ид,  
 Көкис көкө-чойө.  
 Сийос кыкөн ми  
 Кывзім тувсов войө.

Көкыс вөлі шань,  
 Висьтавліс, мый лоө:  
 Воас пө и нянь,  
 Свадьба миян воө.

Бура сөвмис ид,  
 Быдмис лунысь лунө.  
 Торъялім тай ми,  
 Зэв ылө тэ мунін.

Юөрт кыв джын көть,  
 Кор мен мыччан китө.  
 А то ланьтіс көк:  
 Горшас йики сибдөм.

## ВЫЛЬ ВО ПАНЫДА РЫТО

Выль во паныда рытö  
Аддзи первойысь тәнö.  
Онi, лoа кöть кытөн,  
Сувтан син водзö меным.  
Ыджыд сьöдоват синъяс,  
Ру кодь ветласыд кокни...  
Тэлань сьöлөмöй синiс,  
Тэлань ышöдiс локны.  
Вöли нылыс кöть уна,  
Тәнö танцуйтны кори,  
И сöдз асыв кодь нюмыд  
Менö век кежлö дорис.  
Кодыр бергöдлi крута,  
Горшын сибдывлiс лолöй:  
Полi чорыда кутны,  
Но и мынтöдны полi.  
Мый пö, шуöны йöзыс,  
Кöсьян, ваяс тэд выль во.  
А ме öтитор кöсья,  
Медым радейтöм збыльмис!

Чөв олім, видзөдім вао,  
Быттьөкө кывтөмөсь дзик.  
Гортө эз мунсьы дай ставыс,  
Матын көть тыдаліс сикт.

Сідз эг и лэптыв ме синмөс,  
Отчyd эг ыдждөдлы лов.  
Пельпомыд пельпомө инмис,  
Мен сэсся нинөм эз ков.

## ВОЙВЫВ КОДЗУВ

Войвыв кодзув, югыд кодзув,  
Ылын-ылын өзъян тэ.  
Сөмын лыдтөм кодзув письыс  
Одйö корся тэнö ме.

Коми парма весьтын ломзян.  
Гажөн пуö кыркөтш йыв.  
Сөмын частö тэлань дзоргö  
Чөдлач синма öти ныв.

Кодыр сиктсьыным ме петі,  
Шуим кыкнанным ми сэк:  
Тэлань видзөдлывны, медым  
Лоим öтлаынöсь век.

Абу нылыс ёна мича,  
Сьыліг гөлөснас оз босьт,  
Сөмын сылөн сэтшөм сьөлөм,  
Некысь шаньджыкөс он корсь.

Войвыв кодзув,  
Югыд кодзув,  
Ылын-ылын өзъян тэ,  
Сөмын лыдтөм кодзув письыс  
Одйö корся тэнö ме.

## БАРА ВЫЛЬ КОРЪЯС

Бара выль коръяс  
Кыр йылын кыдзлӧн,  
Томдырӧс коркӧ  
Коли ме кытчӧ,

Кытӧні дзольӧн  
Рытивбыд ворслі,  
Кысь менӧ мамӧ  
Ньӧрторийӧн корсьліс,

Кытӧні ыджыд  
Сувтӧдлім качай,  
Кадрильӧн эжа  
Гумлаӧдз швачким,

Кытӧні ӧтчыд  
Кыдз сайӧ пышйи,  
Киясын кути  
Ныв юрысь чышьян.

Бара выль коръяс  
Кыр йылын кыдзлӧн,  
Томдырӧс коркӧ  
Коли ме кытчӧ.

## СЬӨЛӨМ ВЫЛӨ ЭН КӨ ВО

Быттьө менө вежисны,  
Быттьө лон мөд,  
Местаө ог инасьлы,  
Узьлөм ме ог төд.

Сьөлөм вылө эн кө во,  
Гашкө, тадзсө эз и ло.  
Он өмөй нө гөгөрво?

Войыс меным абу вой,  
Луныс абу лун.  
Кильчө вылад пукся да  
Некытчө ог мун.

Ог кө аддзыв асывнас,  
Лунтыр меным шог.  
Верма овны шондитөг,  
Но, а тэтөг — ог.

Сьөлөм вылө эн кө во,  
Гашкө, тадзсө эз и ло.  
Он өмөй нө гөгөрво?

## МЕ ЛОА ТЭНАД

Сьӧлӧмӧс некор  
Мӧдлы ог сет.  
Видза ме сийӧс  
Отнадлы тэд.

Медводдза муслун  
Некор оз куслы,  
Непӧштӧ кымынкӧ воӧн.  
Ме лоа тэнад,  
Тэ лоан менам,—  
Сідз ӧта-мӧднымлӧн лоам.

Вӧтасьны кута  
Тэӧ быд вой.  
Тадзи ме вена  
Гаж быран дой.

Тэ кындзи, некод  
Меным оз ков.  
Ме вӧсна некор,  
Некор эн пов.

## МЕД ТЭ АБУ МИЧА

Мед тэ абу мича,—  
Абу сыысь шог.  
Сьөлөм вылө воис  
Тэнад оласног.

Видзан менө лёксыыс,  
Ышөдан, кор — бур.  
Отнамлы кө, шудыс,  
Гашкө, эз и сюр.

Абу тэ зэв лышкыд,  
Но и абу кын.  
Шуны кө, ме тэтөг  
Збыльысь вөлі джын.

Меным тэкөд кокни,  
Тэкөд долыд мем,  
Аттьө сыысь тэныд,  
Мый тэ менам эм.



Ме талун татӧн,  
Тэ дорын матын.  
А аски — кытчӧ суас вой.  
Но весиг ылын  
Ме тӧнӧ кыла,—  
Тэ меным вӧчин сэтшӧм дой.  
Од менам сьӧлӧм  
Зэв доймысь, вӧлӧм,  
Зэв, вӧлӧм, веритысь да нэр.  
Ме тӧнӧ кора,  
Ме тӧнӧ ёра,—  
Бӧр он кӧ менӧ бурдӧд-кер.  
Ме бурда регыд,  
Ме бурда сӧки,  
Кор аддза воча петысь нюм.  
И сӧки меным,  
И сӧки тӧныд,  
Ме чайта, воас ӧткодь дум,  
Мый сӧсся кыкӧн,  
Но огӧ зыкӧн,  
Ми кутам тӧчны ӧти шуд,  
И муслун помысь  
Век лоам томӧсь,  
И шогыс сибавны оз кут.



Кытөн быдмө джуджыд коз,  
Сэтөн кисьмө сьөлаоз.  
Кытөн кылө сьыланкыв,  
Сэтөн олө мича ныв.  
Сэтчө, быдмө көні коз,  
Ветла сёйны сьөлаоз.  
Кытысь кылө сьыланкыв,  
Сэні виччысьө том ныв.  
Эськө юмов сьөлаоз,  
Но оз чөскөд муса моз.  
Сьөлаозсьыс сійө сыв —  
Сьөлөм шонтысь авья ныв.



Сьёлёмаён эськё менам чужсьёма,  
Некор на эг вочлы мортлы лёк.  
А вот юрөн овны абу кужсьёма,  
Ыджыда коть бёрддзы, ок-ок-ок!  
Лоём борад дойтё сьёкыд өлөдны,  
Татшөм дойыд кутас кывны пыр.  
И он вермы ывла вылын төлөдны,  
Медся чизыр төв йылас оз быр.  
Татшөм дойыд унаысь на курдөдас,  
Оз ну сійөс бөрө кольысь во.  
Кыз ме өтнам татшөм дойсö бурдөда,  
Оз кö некод отсалысь мен ло?!

## ТУВСОВ ВОЙ

Тувсов вой, югыд вой,  
Мый ме висьтала тэд;  
Тувсов вой, югыд вой,  
Меным узыны он сет.  
Сійо вөлі кō тан,  
Кодōс радейтлі ме,  
Тувсов вой, югыд бан,  
Вөлін колана сэк.  
Важōн торъялім ми,  
Коли уна нин во.  
Ог тōд, кōн сійо мый,  
Весиг письмō оз во.  
Гашкō, мусмис нин мōд  
Сылы бокиас сэн.  
Но ме бōрдны ог мōд,  
Оз ков татшōмыд мен.  
Олас сьōлōмын дой,  
Некор ортсō оз пет.  
Тувсов вой, югыд вой,  
Меным унмовсьны сет.

## ПОТАНДОРСА

Сап пемыд ывлаыс,  
Вой шорыс матын нин,  
Колө нин кусодны би.  
Ичотик кроватяд  
Век на тэ тельодчан,  
Мамыслөн ичотик пи.

Узь, менам кодзулөй,  
Узь, менам гулюөй,  
Узь, менам алөй оз тусь;  
Узьоны пармаын  
Ошпийн, көчпийн,  
Тэ сөмын отнад он узь.

Быдман, да вөр-васө  
Мусюрөдз кытшовтан,  
Некодыр мудзыд оз вен;  
Чериа юясыс,  
Пөткаа ягъясыс,—  
Ставыс дзик, дона ни, тэн.

Тэ вөсна төждлунсө  
Гырысьяс пуктөны,

Некор мед өз сулы шог;  
Быдмы жө өдйөджык,  
Сюсьөн да зильён, да  
Повтөмөн на динө лок.

Узь, менам кодзулөй,  
Узь, менам гулюөй,  
Узь, менам алөй оз тусь.  
Узьёны пармаын  
Ошпьян, көчпьян,  
Тэ сөмын өтнад он узь.

## МАМӨ, ТЭ НИНӨМ ОН ТӨД

— Войбыд тэ гуляйтан, нылөй,  
Асылөдз некор он пыр.  
Көсий ме юавны тэнсьыд:  
Тадзисө кыссяс на дыр?  
Узьтөмөн гожөмыс коли.  
Эн на мөй ветлөмссьыд пөт?  
— Кыдз тэныд висьтавны, мамө?!  
Мамө, тэ нинөм он төд!

— Куртны, ли сельпоө мунан,  
Некытчө важнад он пет.  
Мый могысь ковмөма, нылөй,  
Прөстасө вөччыны тэд?  
Муыс оз бергөдчы сыысь,  
Кокад кө чөрөсыд съод.  
— Кыдз тэныд висьтавны, мамө?!  
Мамө, тэ нинөм он төд!

— Кодкө лун удж вылысь локта,—  
Сувтөдіс катыдса зон.  
«Кильчөтө лөсьода,— шуө,—  
Оз пө ков некутшөм дон!»  
Тэ али мый сійөс корин?

Корин кө, видны ог мөд.  
— Кыдз тэныд висьтавны, мамө?!  
Мамө, тэ нинөм он төд!

— Төда ли, ог ли, а менө  
Шензьөдө зэв татшөмтор.  
Төдтөм морт кыз тадзи вермас,  
Некод кө сійөс эз кор?  
Сусед кө, ещө на, шуам,  
Либөнөсь вөлі кө рөд...  
— Кыдз тэныд висьтавны, мамө?!  
Мамө, тэ нинөм он төд!

## МЕ ТЭН СВАТТЯ

Али полам?  
Сё во олам,—  
Ог на бырöй!  
Ме тэн сваття,  
Тэ мен сваття,—  
Сё майбырöй!

Оз ков тшöктöм,  
Сьыв да йöкты,—  
Мыйта тöрö!  
Ме тэн сваття,  
Тэ мен сваття,—  
Разьтöм гөрöд!

Сьөлöм вылысь  
Быттьö сыліс  
Маетаыс.  
Ме тэн сваття,  
Тэ мен сваття,—  
Вот и ставыс!

## МУСА ГÖТЫР

Ог ме öтнам колляв нэм,  
Муса гöтыр менам эм.  
Корсим кыкөн сэсь и тась,  
Ньöбим сылы дона пась.  
Пасьыс шоныд, пасьыс бур,  
Оз нин янав сылөн юр.  
Менö ошкыштас көть көн,  
Сöмын, шуö, колö кöм.  
Ог ме öтнам колляв нэм,  
Муса гöтыр менам эм.  
Кöмыс дас пöлöс нин, збыль,  
Öнi кокас бара выль.  
Кöмыс мича, кöмыс бур,  
Оз нин янав сылөн юр.  
Сöмын öшöдöма льöб,  
Дона чунькытш, шуö, ньöб,  
Ог ме öтнам колляв нэм,  
Муса гöтыр менам эм.  
Сылысь кывзыся ме сiдз —  
Аслым көпейка ог видз.  
Медтö сылөн петлö ваш,  
Сэки-й меным воссьö гаж.  
А мый сылөн колан син,  
Этша мыйкö вежан нин.

## ГОТЫР ДА ВЕРОС

«Мый сэтшöмыс верöс?  
Верöс — джуджыд керöс!  
Вөрпуыд сэн, видзöд,  
Быдөн сись кодь мича.

Мый сэтшöмыс гöтыр?  
Гöтыр — сийö мöтыр.  
Вöрад арся рытö  
Пусян на и сытöг».

Шмонитлис тадз дедö,—  
Аслас нюмыс петö.  
Здук-мöд олас чöла,  
Сэссия содтас вöли:

«Видзöдны кö водзö,  
Гöтырыд — яр кодзув.  
Сьöлөмöдзыд сидзö,  
Ылалöмысь видзö.

Кöть и зыкö волан,  
Пывсянысь на колан.

Гортад тэнö кыськö  
Вöлöс моз жö кыскö.

Но, а шог кö личкö,  
Гöтырыд — бур вичко!  
Нюмнас перьяс ваштö,  
Дарйöдас на, гашкö».

## ПЕДЬО ДЕДО

Педьö дедö некыдз  
Керкаас оз пыр:  
Пöрысь синсö сылысь  
Кыскö Эжва кыр.

Гажöдчöны кыръяс  
Уна ныв да зон.  
Дурліс сәні Педьö,  
Кор на вöлі том.

— Игнала öд,— шуö  
Сылы Варук тьöt.—  
Ывла вылас узян,  
Он кө кадсö тöд.

Али кыськö бара  
Юыштін, да код?  
— Дугды вай, эн зыныгы,  
Пыр да öтнад вод.

— Мый нö эськö лоин?  
Господи, дай морт!

Кызвыныс өд гуын,  
Коді тэкөд сорт!

— Колөкө эн урсась,—  
Шуө Педьө дед.—  
Уна во на ковмас  
Виччысьнытө тэд.

— Да өд он жө сэтчө  
Йөктанінас мун?  
— Босьта, да и муна.  
Важөн вөлі дум!

— Мый нө эськө кутан  
Вөчнысө тэ сэн?  
— Этша өмөй нылыс?  
Вичмас на и мен.

— Господи, дай енмөй!  
Энө садьтө вошт?  
Юрсиыд өд лысө,  
Коз пу рой кодь тош?

— Тошкын өмөй сөмын  
Мужик мортлөн чин?—  
Гусьөникөн Педьө  
Читкыртыштлис син.—

Медтө төлкыд вөлі,  
Сьөлөм вөлі мед.  
Нылыд бара сюрас,  
Мый көть ме и дед.

— Да өд он жө ышты,  
Абу на кө йөй,

Мыйла бара коркō  
Эжваас эг вōй?

Бōрддзис Варук тьōтка,  
Синваис оз сувт;  
Кильчō вылас уси,  
Эз кō Педьō кут:

— Мыйла нō ме муна,  
Ноко думышт вай!?  
Ещō, шуам, эг кō  
Гуляйт ассьым пай.

Аскōдыд ѓд ветлi,  
Он нин ѓмōй тōд?!  
Да вот завидь босьтлō,  
Гажōдчō кор мōд.

Бурасисны гозья  
Кильчō вылас сэк.  
Сōмын дыр эз унмовсь  
Тавой Педьō дед.

КЫДЗИ МИНЯ ЕГОР ВАСЬКА  
КУВЛОМА

Гоҗся рытö юөр  
Разалис сикт пасьта:  
Пывсигас пö кулöма  
Миня Егор Васька.  
Гузьгö-локтö йöзыс  
Васька пывсян дорö.  
Бабаяслөн сёрни  
Кылö сәни гора.  
Некод оз лысьт пырны  
Васька пывсян пытшкö,  
Бытьö кулөм мортыс  
Пуртөн найöс бытшкас.  
— Луннас на öд талун  
Быдса зорöд чөвтис.  
— Оз тай смертъид юав!—  
Мöд сән кылö лөвтö.—  
Да... Совхозад некод  
Сы мында эз уджав.  
— Гөтырсö тай сөмын  
Колис сизим душөн?!  
— Көн нö эськö ачыс,  
Марпайс, мый керö?  
— Со тай кöджас бөрдö,

Ставнас лыа сера.  
Сьолөмыд өд потө,  
Думыштны кө бура.  
Кысь нө өні батьыс  
Челядыслы сюрас?!  
Юлывлө көть вөлі  
(Таысь, дерт, он ошкы),  
Мукөд мозыс Васьыд  
Садьсө эз өд воштыв.  
Деньганад кор вөлі  
Карад арнас каяс,  
Челядыслы век нин  
Гөстинечтө ваяс.—  
Пывсян өшинь дорө  
Быдөн корсьө места:  
— Аддзан, сваття, кыис  
Весигтөнөсь креста.  
Бытьтөкөнөсь водзвыв  
Кулөмсө нин төдөм.  
Прөста меным эз на  
Усьлы Васьыс вөтөн.  
— Висьтав инөсь, сідзкө,  
Кызди-мыйджык вөлі?  
— Бытьтөкөнөсь Васьыс  
Сьөд вөв вылө сөлөм.  
Эз и кежав гортас,  
Мир туй кузя лэбө.  
Еджыд каленкорөн  
Чужөмбансө дзебө.  
Марпайслы тайөс  
Висьтавны век полі.  
Мед нин, мися, лөксө  
Думайттөгыс олө.—  
Пывсян пөлөн йөзыс  
Ветлө водзө-бөрө.  
Друг кызд өти баба

Шуис: «Васьыд вөрө!»  
— Бластө Христос! Мый тэ,  
Нинөмторсө сөран?  
— Ой-я жө да! Видзөд.  
Збыльысь, енмөй, вөрө!

Татшөмторъяд көсьян,  
Да он эскы пырсө.  
Пывсян өшинь дорө  
Быдөн суйө нырсө.  
Сэсса быттьө кыткө  
Бабаяслы чушис,  
Гызьмуніны ставөн,  
Коді кытчө кужис.  
Бабаясыд найө  
Сөрни вылад збойөсь.  
Пемыдджык кө рытыд,  
Понөль найөс сөйө.  
Өти тьөтка весиг  
Кайис матыс кыддзө,  
Кодыр юрсө Васька  
Өшинь весьтө мыччис.

Век на петө серам:  
Мый сэк вөчсис-керсис!  
Но да тырмас сэсса,  
А то лоө нерсьөм.  
Сөмын ещө содта  
Кыв-мөд Васька йылысь.  
— Кыдз-мый бөрсө ловзин?—  
Юавлі ме сылысь.  
— Радейта ме жартө  
Сетны,— шуө сөйө.—  
Мудзөмөйла бөрас  
Оз нин уджав кий.

Сё во, гашкӧ, ола.  
Муркӧдчӧ на сьӧлӧм.  
Но, а сӧки,— шуӧ,—  
Унмовссьӧма вӧлӧм.

## ДЕД ДА ПРЕД

(Сиктса серпас)

Трактор додь черён  
Шыльөдө дед.  
Мышсяньыс сійөс  
Тэрмөдлө пред:

— Эновт нин. Тырмас.

Гөгөр нин бур.  
Комисьыс некысь  
Та кодь оз сюр.  
Он тай тэ кывзысь,  
Шу көть эн тэд!

— Некор эн велөд!—

Мурөстис дед —  
Ачым ме төда,  
Мый вөчны мем.  
Вешйы да уджав,  
Уджыд кө эм.  
Көрыштис вомсө,  
Бөрыньтчис пред.  
Додь гөгөр стрөга  
Кытшовтис дед.

Малыштіс сәті,  
Малыштіс тат,  
Пред дорё сәсса  
Матыстчис, рад:  
— Со тәнад доддыд.  
Колё кё, ну.  
Мыйкё тай ланьтін,  
Нинём он шу?  
Кывзы, ән лөгась.  
Скөр вылысь ме...  
Вөчны кё, вөчны!  
Не кё — и не!



Мед йӧзыс тӧдлісны и менӧ  
Да дыр на казьтылісны мед,  
Ар дас квайтӧн нин керка стенӧ  
Есь пуртӧн кырымасьлі ме.

Дерт, таысь видлісны, кыз колӧ,  
Но ме эг шогсьы, ньӧти эг.  
А ӧні шуштӧм быдӧн лолӧ:  
Ок, кутшӧм йӧй на вӧлӧм сӧк!

## ПАРПОНЬ ЙЫЛЫСЬ

### 1. Парпонь турун пунктö

Мича асыв. Енэж — лöz.

Важөн видз вылын став йöz.

Петіс Парпонь кильчö помас,—

Шердын пасьта лолі вомыс.

Унзіль синсö тилигтырйи

Довгис-лэччис юдор кырйöd.

Гожся кадад юйд кос,

Оз ков пыж, ни оз ков пос.

Сöмын Парпонь сувтіс зутш:

«Тайö öмöй эськö удж?

Пыж ни, пос ни — нинöм абу!»

Пожъясьö сән вöлі бабö.

«Ваыс,— шуö,— ляпкыд со,

Кокчөр вылödзыд оз ло».

«Тэ вай омöльджыка велöd.

Зэв кö муса, ачыд келав».

Лун шөр кад нин. Пажын лон.

Пусянінö Парпонь воис.

Перйис тасьті, перйис пань:

«Вердышт тшötш вай, рочакань!»

Мый нō вōчан, он ѓд вōтлы.  
Кисътис пусьысь: «На, мед пōтлан!»  
Йōзлōн пажнайтсис, а Парпонь  
Газет джынйысь шпуткан гартō.  
И, дерт, сійō чōв оз ов,  
Абу сылōн татшōм лов:  
«Кутас талявны кō няныд,  
Турун пунктōмсьыд сэк шанян\*.  
Онi колō водзмōстчыны,  
Шōрспасōдз мед кыдзкō мынны».  
«Тэ вай омōльджыка лōвт,  
Босът со лэбынсō да чōвт».  
«Энлы, торкинныд став дум,  
Куритчытōгыс ог мун».  
Зорōд гōгōр юрōн тыри,  
Парпоньлōн кор шпуткан быри.  
«Эз мōй виччысьлыны позь?»  
«Парпонь дядьō, гōгōр лēдз.  
А со кымōр рытиввылын,  
Татчань локтō, абу ылын».  
«Велōд ассъыд ичōтджыкōс,  
Менам тэ кодъыс нин кыкōн.  
Тэрмасьōмōн тōлк оз пет,  
Мōдысь кежлō шуа тэд»,—  
Сатшкис лэбынсō да мунис  
Медся ылыс тыас юны.  
А сы кості зэв сьōд кымōр  
Воис видзьяс весьтō гымōн.  
Зорōд йылавтōм и колис,  
Бур турунысь лои вольōс.  
Парпонь кытчōкō сэк воши,  
Быттьō сотōма гōрд тошыс.  
Сюри сійō рытладорыс.

---

\* Шанян — эновтчан, дугдан.

Аслыс ытшкӧма ты дорӧс.  
Гортас косьтынысӧ вайӧ,  
Ыджыд турун нӧбийӧн кайӧ.  
Йӧзӧс казяліс да водіс.  
(Со ӧд кутшӧм сылӧн мода).  
Синсӧ кылӧдіс да кышкӧ,  
Шуӧ: «Орйӧдлӧ став пытшкӧс.  
Гашкӧ, ӧні кула тадзи,  
Эн нин видчӧй, криста ради».  
Сӧмын йӧзтӧ он зӧв ылӧд,  
Шуасьӧны Парпонь ылӧ:  
«Абу ӧмӧй яндзим тӧныд?  
Сӧмын аслыд олан нӧмыд!»  
«Весась син водзысь, эн сулав,—  
Кодкӧ чужйис мышсьыс улӧ,—  
А то ещӧ содта, чӧвлы!»  
Парпонь быттьӧ эз и вӧвлы.

## 2. Парпонь мӧс видзӧ

Видз ылын Парпоньысь тӧлкыс эз ло:  
Кутас кӧ лыддыны, висьӧмыс сӧ.  
Дӧзмисны ӧна нин пуктысьысь йӧз:  
«Мед либӧ,— крапкисны,— видзас кӧть мӧс».  
Парпоньыд миян эз пыксьы сэн дыр.  
Лоӧ пӧ мӧсьяслӧн вӧраныс тыр!  
Шунитӧ лӧсьыд, а збыль ылас артмис  
Сідзи, мый юр сайсӧ гыжйыштіс Парпонь.  
Ветлӧны мӧсьяс, оз йирсьыны чӧв,  
Кӧртав кӧть ставнысӧ, тырмис кӧ кӧв:  
Отяс корсьӧны зӧридзаин,  
Мӧдъяслӧн вӧрланьӧ кыйӧдчӧ син,  
Коймӧдъяс — дзизасны, лӧптасны бӧж,  
Кӧть эськӧ повзьӧмыс вӧлі и лӧж.

Думыштчис Парпоньным: «Мый эськө керны?  
Здук кезлө вугыртны весиг он вермыв.  
Лунтыр мой мосьяскөд ветлыны тшөтш?»  
Уси сэк төд вылас ичөтик көдж.  
Юыс сэт чукыльтө, мөдарас бужөд,  
Йөра и то сәтә өдвакө вуджас.  
Көсийөмтө Парпоньыд олөмө пөртис,  
Мосьястө өтитөг көджад и йөртис.  
Мед сәтөн туруныс этша, дай росөсь.  
Зато оз пышйыны, узьыштны позьө.  
Шыбитис сумкасө, гыпкысис пласьт,  
Кольмытөдз стынитис зэв уна час.

Рытнас дояркаяс швачкисны кинас:  
Мосьясыд ымзөны, пакъясас — нинөм!  
«Кытөн нин, Парпоньой, видзин тә талун?»  
«Мый нө, ме воманыс сюяла налы?»  
Меным өд туруныд вывсянь оз усь,  
Асьныс мед йирсьөны, луныс тай кузь».

Аскинас бара жө татшөмтор лон,  
Дивө өд, өти мөс пөтөн кө воис.  
Медтом дояркаыс вөлі медъёсь,  
Шуис, мый тадзикөн төлкыд оз босьт,  
Кыйөдны колө, көн мосьяссө видзө.  
Ошкисны нылөс и вөчисны сідзи.

Лэччисны луд вылө, локтисны көджө:  
Турун сі абу, дай рос йылыс тшөтшыд.  
Пессьөны мосьяс, став стадаыс жуө,  
Кытсюрө кадмөма весигтө муыс.

Бокын, көдж вом дорын пукалө Парпонь,  
Садьмөма буретш да чигарка гартө,

Пышйыны көсйис, но конйыштіс кодкө:  
«Юас вай суйламөй, өдйөджык локтөй».  
Киөдыс, кокөдыс босьтисны ставөн,  
Кыскисны кырийө да бузгисны ваө.  
Саявлі Парпонь, но мыччысис бөр.  
Серамөн шызьыліс юсайса вөр.

## ДАРЬЯ ТЬӨТКА

- Дарья тьөтка, кытчө ветлін?
- Пувтор вузалі.
- Мыйкө тай нө синмыд гырдоьсь?
- Бөрді кузяла.
- Эз өмөй нө пувйыд инась?
- Али воштысин?
- Базар тырыс вайөмаөсь,
- Абу босьтысьыс.
- Уджалан кө, бурджык лоө,
- Узьсяс войяснас.
- Чөв нин, пиёй: уджавсьөма
- Ме кодь сойяснад!
- Мыйта верман. Оз өд тшөкты
- Некод унасө.
- Эн нин терпенньөысь петкөд,
- Лэдз вай муннысө.
- Дарья тьөтка, кытчө мөдін?
- Оз и видзөдлы!
- Кытчө мөді, сэтчөдз делө
- Тэныд ичөт зэв!
- Да өд пувнад этша олан,
- Дугды вузасьныд.
- Сир пинь горшад, грекөвөйлы!
- Дыр-ө урсасян?!

## СЕМӨ ВАНЬ

Вөлі локтө Семө Вань  
Вадор керөс паньд.  
Аддзө: өзим йирө чань,  
Орччөн йирсьө мамыс.

Ваньө мудзтысьны эз мөд,  
Аслас туйөд кайис:  
— А, колхозьд оз на өд  
Рөзөритчы таьсь!

Содтис воськов Семө Вань,  
Одйө гортас вонс.  
Аддзө: зэрөм водзын кань  
Пуктас сылысь сөйө.

Ваньө пузис, ставнас дон,  
Босьтис корөг, горзө:  
— Ноко, стерво, брысян он!  
Этйө кө торсө...

Эз мун дзик пыр коньөр кань,  
Да и шеді бура:  
Лыйис сылы Семө Вань  
Веськыда дзик юрас.

## РАДИ УВАЖЕННЯ

Лёктө ёртылды он видз.  
Ёртыс ордө Веня  
Пырис отчыл прөстө сідз,  
Ради уваження.  
А кор вомыд абу кос,  
Сёрнисьыд он пөтлы.  
Со нин быри өти доз,  
Петалисны мөдла.  
Сэссия-й эз кут воны пом...  
Мыкталө нин Веня:  
— Ог нин вермы!  
— Төда, он.  
Но ради уваження.  
Пызан сайын коли лун...  
Венялөн и шусис:  
— Муна сэссия.  
— Он на мун,  
Аддзан, эз на юсьы?  
Потөм юрөн гортас сэк  
Одва воис Веня...  
Сөмын пыравлө на век  
Ради уваження.

## СЫКТЫВКАРЫН КЫВЛОМ СЕРНИ

— Здравствуй, сваття! Татшом водзсö  
Куда нö нин скодила?

— Да козу я... Со тай мышкын...  
Козёл дорö водила.

— Сэссия сын-то как живёт уж?  
Гöтырыскöд в ладу жö?

— Ничего эськö живут да,  
Деньгаясыд абу жö.

— Чöv нин, сваття! Не дождёшься!  
Быдтöмсö и аддзылан.

Сэссия ещö мыйкö кöсийи  
Юавны, дай забыла.

— Что нö эськөн?

— Вспомнита да  
Юала на, юала.

Но и память!.. Картошкатö  
Почём теперь вузалан?

— Дваён ведра.

— Донтöма жö.

Веснасö бы виччысьлін.

— Квартиранта пустила, да  
Лоö буссьыд видзчысьны.

— Квартиранта? Так тесно да?  
Кыськö места аддзин дай?

— Прихожойын!

— Донön босьтан?

— Кутшöм дон нин?! Двадцатьön.

— Ми öд столько жö эськö да...

— Где но у вас?

— Уголын...

Ме öд, зыньгыны кö кутас,  
Не терплю на: «Мун колö-к!»

— Сідзтö, сідз, дерт...

— Времяыс нö,

Посмотри-ко, сёр-ö нин?

— Девять часов. Что случилось?

— На работу сёрми ме!

# ЮР ИНДАЛЫСЬ

Комиа сьылӧм . . . . .	3
Сё пӧлӧс сёрниа . . . . .	5
«Тэ верман лоны...» . . . . .	6
Шудыс усьлӧма на меным . . . . .	7
«Войт мында кӧть Ленин кодьӧн лоны» . . . . .	9
«Кор меным сьӧкыд...» . . . . .	10
Отсӧг . . . . .	11
Чужан му . . . . .	19
Коммунизм . . . . .	20
Москва . . . . .	22
«Уджавны, мӧвпавны, нюмъявны» . . . . .	23
Миян флагным, миян муным . . . . .	24
Сюрс сайӧ лун да вой . . . . .	25
«Кӧні минаыд — танкыд оз исав» . . . . .	26
Кымын герой миян? . . . . .	27
Томлун . . . . .	29
Ми туйынӧсь . . . . .	30
Морт олӧм . . . . .	31
Коді мустӧм . . . . .	32
Изьваса зон . . . . .	33
«Ми — комияс» . . . . .	34
Рочьяс йылысь . . . . .	35
Ыджыд мамӧ . . . . .	36

«Эм пӧрысь йӧз» . . . . .	37
Парус . . . . .	38
Менам чом . . . . .	39
Коми кыв . . . . .	40
«Гожӧм, а кӧдзыд и зэрӧ...» . . . . .	41
«Кодлы шуштӧм...» . . . . .	42
«Кор аддза лунӧ бана сикт...» . . . . .	43
«Сиктса уджтӧ уджалас пӧ быдӧн...» . . . . .	44
«Кӧть лои карса...» . . . . .	45
Трактор шы . . . . .	46
Чужан сиктын . . . . .	47
Коркӧя пывсьывлӧм . . . . .	48
Тшӧтшъяяслы . . . . .	49
Мамӧ . . . . .	50
Коді медся дона . . . . .	52
«Гадз некод ньӧбантор оз бӧрйы...» . . . . .	54
«Аски водз менӧ, мамӧ, чуксав...» . . . . .	55
Романтика йылысь . . . . .	56
Ме кӧ художникӧн вӧлі . . . . .	57
Ӧти сиктын . . . . .	58
Семӧ юкмӧс . . . . .	59
«Ме кӧ вӧлі ыбӧн...» . . . . .	60
Матрен пӧчӧ . . . . .	61
«Ыджыд айӧ...» . . . . .	62
Порсь видзысь аньлы . . . . .	63
Сиктса нывъяс . . . . .	64
«Медым аскисьыс эз ков повны...» . . . . .	65
Задача . . . . .	67
Шойна ягын . . . . .	68
«Песӧм кучикӧн эжӧм ёсь пуртӧс...» . . . . .	69
Нӧшта ыджыд айӧ йылысь . . . . .	70
Медводдза мойд . . . . .	71
«Пӧч-пӧльнымӧс босьтамӧй...» . . . . .	72
«Вӧрын мед керка...» . . . . .	73
Нимъяс . . . . .	74
«Сы мында Зыряновск эм Сибириын...» . . . . .	75

«Бара вой төв лымсö кöдзис...» . . . . .	76
Изъватас . . . . .	77
Тундраын . . . . .	78
«Лöзов и еджыда бордаяс...» . . . . .	79
«Войтырыс кö пыдди пуктö...» . . . . .	80
«Коркö лöсьöда пон...» . . . . .	81
«Ичöt дырйи Эжватö...» . . . . .	82
Мортöн кö вичмöма чужны . . . . .	83
«Узмöдчысь вөр-ваыс...» . . . . .	84
«Кыйсьысьлөн висьт...» . . . . .	85
Лыско . . . . .	88
Мöсьяс . . . . .	89
Йöра . . . . .	90
«Ылі туйö петöмаöсь юсьяс...» . . . . .	91
«Чужö мортыд кöть кытöн...» . . . . .	92
«Лэччысь шонді югөръясысь...» . . . . .	93
«Ылыдз-Ылыдз...» . . . . .	94
Арся ягын . . . . .	95
«Меным ас туяс кажитчö кöин...» . . . . .	96
Руч . . . . .	97
«Код тöдас кодi...» . . . . .	98
«О, Төв поз из!...» . . . . .	99
«Каравомын чусмунлöны бияс...» . . . . .	100
«Көр видзысь войбыд оз инась...» . . . . .	101
Воркута . . . . .	102
Гаж йылысь . . . . .	103
Виччысям войвылö . . . . .	104
«Аддзылід шахтаысь петöм...» . . . . .	105
«Сьöd нитш да ва...» . . . . .	106
Туй вöчысь . . . . .	107
Буритчанінын . . . . .	108
Стен сайын сёрни . . . . .	109
«Воркутаысь тöда öти мортöс...» . . . . .	110
«Сэтшöма тэ скöрмöдін...» . . . . .	111
Керка видзысь понлы . . . . .	112
«Кыз колö кусöдчигöн...» . . . . .	113

«Чурвидзö тысьöм кер...» . . . . .	114
«Егöсь, гудыр ойдöм ю...» . . . . .	115
«Быдмö тундраын гöна юр...» . . . . .	116
«Ме аддзылі, кызд бöрдіс коркö вöв...» . . . . .	117
«Лöсьыд жö нин шойчынытö Крымад...» . . . . .	118
Мый и кутö . . . . .	119
«Меным мусаöсь...» . . . . .	120
Вөр-ва понда . . . . .	121
«О, мыйда мичыс вадор биад...» . . . . .	122
Страшнöй суд . . . . .	123
Тöждысьöм . . . . .	124
Гудök . . . . .	125
Тöдтöм вөрö . . . . .	126
Куратовлы . . . . .	127
В. Юхнинöс казьтылöм кузя . . . . .	128
Сьöлöм . . . . .	129
Ас йылысь . . . . .	130
Инасьтöм лов . . . . .	131
«Янöдöй кöть видöй...» . . . . .	132
«Коркö унатор менам...» . . . . .	133
Выль удж водзын . . . . .	134
Кымын водзö . . . . .	135
«Тöдöмысь, эг век ов...» . . . . .	136
«Быдөн мортыд...» . . . . .	137
Праздник лунö . . . . .	138
Ас кежын мөвпавлöм . . . . .	139
«Эн дöзмы сесь...» . . . . .	141
«Му вылын уна олö морт...» . . . . .	142
Кывбура мөвпъяс . . . . .	143
Вой тöv . . . . .	146
Шы ни тöv . . . . .	148
«Дона пуöй, льöм пуöй...» . . . . .	149
Аттö, нывъяс . . . . .	150
Муслун . . . . .	152
Туйын сьылöм . . . . .	153
Коми ань . . . . .	154

Помнита, кыдэ школаб	156
Урал дорса вальс	158
Сьолөм да сьолөм	159
Пызансайса сьыланкыв	160
Тэа-меа	161
Абу этша, абу уна	162
Висьтав, сьолөмөй	163
Нэмтө радейтны зэв сьөкыд	164
Мича ижемка	165
Көр видзысьлөн сьыланкыв	167
Ывла вылын турөб	169
Мамөлы сьылөм	170
Бна керка	171
Коді өні тыртө витөд дас	173
Венгрияын ты эм	174
Тундраса сьыланкыв	175
Печора йылысь сьыланкыв	176
Мөдлапөлын гудөк кылө	177
Көк	178
Выль во паныда рытө	179
«Чөв олім, видзөдім ваө...»	180
Войвыв кодзув	181
Бара выль коръяс	182
Сьолөм вылө эн кө во	183
Ме лоа тэнад	184
Мед тэ абу мича	185
«Ме талун татөн...»	186
«Кытөн быдмө джуджыд коз...»	187
«Сьолөмаөн эськө менам чужсьөма...»	188
Тувсов вой	189
Потандорса	190
Мамө, тэ нинөм он төд	192
Ме тэн сваття	194
Муса гөтыр	195
Гөтыр да верөс	196
Педьө дедө	198

Кыдзи Миня Егор Васька кувлӧма . . . . .	201
Дед да пред . . . . .	205
«Мед йӧзыс тӧдлісны и менӧ...» . . . . .	207
Парпонь йылысь . . . . .	208
Дарья тьӧтка . . . . .	213
Семӧ Вань . . . . .	214
Ради уваження . . . . .	215
Сыктывкарын кывлӧм сѣрни . . . . .	216



Юшков Геннадий Анатольевич

## СТИХОТВОРЕНИЯ

На коми языке

Художник А. В. Мошев. Редактор В. А. Попов. Худож.  
редактор С. А. Холопов. Техн. редактор А. Н. Вишнева.  
Корректор Н. А. Адамова.

Сдано в набор 10/I-1973 г. Подписано к печати  
10/IV-1973 г. Формат 60×90 <sup>1</sup>/<sub>32</sub>. Бум. л. 3,5; печ. л.  
7,0; уч.-изд. л. 5,6. Заказ № 1464. Ц01440. Тираж 2800.  
Цена 73 коп. Бумага № 1. Коми книжное издательство.  
Сыктывкар, Дом печати.

г. Сыктывкар, Республиканская типография Управления  
по делам издательств, полиграфии и книжной торговли  
Совета Министров Коми АССР.





